

KHOSI YO LANDULWAHO

 . . . u itela vhugala ha Murena uri vhu diswe kha riñe ñamusi nga kha u funzwa ha Ipfi. Huno ndi . . .

² Ino vhege yo fhelaho, ndo vha wa u vha fhasi ha mutsho ziñukunyana. Ndi nga si tou ri u vha fhasi ha mutsho kokotolo; ho vha mulingo we nda tea u u dzhia, milingo ya ñama. Huno ndi zwe na pfa, uri ndo vha ndi sibadela. Zwo vha ngauri ndo ya heneffo hu u itela uri ndi si vhuye murahu na zweþhe u mona na mulambo. Ni dzhia dzhekiseni ya ñtha, na dzhekiseni ya fhasi. Huno vha tea u ralo, miniti miñwe na miñwe i si gathi, vha tea u vhuya murahu vha ni vhonestshela hafhu. Fhedzi ri fanela u vha dzhia, arali ra ita mishumo ya seli ha malwanzhe, miñwedzi ya rathi miñwe na miñwe. Mukomana Roberts na vhanevho, ndi elekanya, vha wana yavho miñwedzi ya rathi miñwe na miñwe. Fhedzi a thi athu u wana na muthihi lwa miñwaha miña.

³ Khakhathi, ndi tou vha ndi sa takaleli mapfura a mapfure, ndi tshenetsho tshithu tshi tshothe. Huno vha ri a hu na tshiñwe tshithu tshire vha nga nnaya, vhudzuloni ha ayo, ngauralo nnę, oo, ndi a lwala nga maanda musi vha tshi nnaya izwo zwithu. Ni a ñivha, ndo ni vhudza, kha nganea ya vhutshilo hanga, uri izwo zwithu zwi nndwadza hani. Huno—huno ndi tou nyala u dzhia izwo zwithu. Huno ndo ri khonani yanga ya vhudi ya dokotela, arali . . . “A hu na tshiñwe tshithu-vho?”

Huno a ri, “A thi humbuli nga u ralo, Mukomana Branham.”

⁴ Oo, musi mufumakadzi a tshi dzhena ngomu afho na, zwi vhonala sa, khañwe ndi khou ñañisa, fhedzi, zwi vhonala sa kota. Ho—ho vha hu . . . a thi athu u vhona zwe ralo. Huno nda sokou thivha ninga yanga nahone nda vha na mafulufulu. Fhedzi nda zwi fhirisra.

⁵ Fhedzi zwino, kha milingo yoþhe, huno yo fhira yoþhe, ndi khou þoda u livhuwa Murena nga mulingo wo khunyelelaho. Ndo kunda, lwo fhelelaho, ndi nga ya hoþhe kha shango line nda khou þoda u ya. Ndo vhudzisa madokotela, vhararu vha vhoramakone, vhe, ndi—ndi a kholwa, ngei Louisville. Huno ndo vha humbela, nda ri, “Naa khañwe a tho ngo fhelela nga phesente dza fumi fhedzi?”

⁶ Vha ri, “A u na na kuthoma na kuthihi kwa u sa fhelela.” Vha ri—vha ri, “U kha mutakalo wo fhelelaho, kha tshiñwe na tshiñwe.” Huno ndi livhuwa zwihiulu Mudzimu. Zwi nga bva kha nnyi muñwe fhedzi Khotsi ashu wa Taðulu, ni a vhona, zwa u vha nga iyo ndila?

⁷ Huno a ri, “Wau . . . Nyelelo yau yoþhe i a sumbedza, ngomu afho, uri u muñuku.” A ri, “Tsinga dzau dza malofha a dzi

athu u thoma u onyekana, kana tshiñwe tshithu.” A ri, “U kha tshivhumbeo tshavhuđi, Mukomana Branham.”

Huno a ri, “Zwo luga, ndo takala nga maanda.”

⁸ Huno ndo vha na tshikhala tsha u amba, ndi tshi ḥanziela kha muongi muñwe na muñwe sibadela, na dokotela liñwe na liñwe, u itela Muvhuso wa Mudzimu. Huno liñwe dokotela, ndi a kholwa u tea u vha a fhano ano matsheloni. Huno ndi—ndi do...ndo takala nga maanda u ñivha uri hu kha di vha na vhanna vhavhuya shangoni, vhanna vha vhukuma, vhanna vhane vha ndzhia lwa maduvha mañanu, kha u ḥolwa ha ñama, zwine muñwe na muñwe a nga dzhia dolara dza madana mavhili kana mararu. Musi ndo no fhedza, vha ri, “Ndi ndambedzo yashu kha mushumo wa Murena, une wa khou ita.” Ni a vhona? Ee. Na zwiñkułuku zwazwo... Vha ri, “Nga mini, wo ri shonisa, u ri vhudzisa arali u tshi ri koloda.” Vha ri, “Thabelo dzau kha riñe fhedzi!”

⁹ “Huno nga ngomu,” vha ri, “ri wana tshiñwe tshithu tshipfi tshine a ri koni u pfesese.” Huno nda ri... “Rine...A—a zwi ambi u vha...” Vha ri, “Nga nnđa, a u na mazhuluzhulu kana u khakhisea. Fhedzi,” vha ri, “ngā ngomu, hu na tshipfi tshine a ri tshi pfesesi.”

¹⁰ Nda ri, “Arali na nga tou dzula fhasi hafha lwa tshikhalanaya, ndi do ni vhudza.” Huno nda thoma u amba nga mabono. Ho vha hu liñwe budo khavho. Who vha vha sa ñivhi tshithu ngazwo. Nda vha vhudza nga Bivhili. Zwenezwo nda vha vhudza nga bono le Murena a neyea liñwe duvha, huno vha lila sa vhushie. Vha sokou dzula henefho huno vha lila. Huno nda...vha...nda ri, “Ndi a kholwa a ni ndzhii sa wa kuhumbulele kuñwe kwa vhurereli kana zwiñwe.”

¹¹ Vha ri, “Na luthihi, Mukomana Branham. Ndi a tenda izwo nga mbilu yanga yothe.” A ri, “Fhedzi ndi khou ḥoda u amba tshithu tshithihi. A u yi tshikoloni u guda izwo zwithu.” A ri, “Ndi a tenda u ri zwi bva kha Mudzimu Ramaanda.” Huno idzo dzo vha dzi dzinwe dza nanga tharu dzi konaho ngei Louisville, vha khwiñe vhane vha vha navho. Huno, ngauralo, ndo vha ndo takala nga maanda nga izwo, na u ñivha uri khanwe Murena vho ntendela nda ḥavha dzinwe mbeu henefho.

¹² Muongi muñwe na muñwe, a amba navho. Vhone, mañwe matsheloni, ndi tshi khou bva kha lufhera lwa u vhonetshela, nda ri kha... Nda lavhelesa kha mukegulu a ḥungufhadzaho wa kale. O vha a tshi khou lwala nga maanda. Huno nda isa phanda na u tshimbila ndi tshi tsa, ndi tshi tsa u swika ndi tshi swika khae. Ndo elekanya uri a nga vha a tshi khou fa. Huno nda ri, “Ndi khou ḥoda u u vhudzisa mbudziso, khaladzi.”

A ri, “Ee, muñe wanga.”

Nda ri, “Naa u Mukriste?”

Huno a ri, “Ndi wela kha tshivhidzo *tshikene-kene*.”

¹³ Huno nda ri, “Ndi khou Ძoda u bvisela izwo khagala.” Nda ri, “Ndi—ndi khou Ძoda u ᲅivha arali u Mukriste, Mukriste wa vhukuma. Izwo, arali u tshi nga fhira kha ulwu lwanzhe lwa vhutshilo, wa ya kha ᲅinwe Shango, naa u ya Mu funa?” Nda ri, “Naa u ᲅo tshidziwa zwavhukuma?”

Huno a ri, “Ee, muñe wanga. Ndi do ralo.”

¹⁴ Huno nda ri, “Mudzimu a fhaṭutshedze mbilu yau arali zwo ralo. Hu si na ndayha uri maya u vhudzula u tshi ya gai, wo dzudzanya, tenda fhedzi zwa tshimbila nga u ralo.”

¹⁵ Huno arali ra nga tou mona, hu na vhatu vhanzhi vha u luga vho salaho shangoni.

¹⁶ Zwino, ḥamusi, ndo ᲅa na bono line nda do ni vhudza ho no fhela tshifhinganyana. Huno ndi khou takalela u amba, u thoma, kha mañwe a Ipfi, ngauri ndi a tenda Ipfi ndi ᲅa ndeme nga maanda, ᲅa ndemesa zwino. Huno ndo takalela u vhona Charlie Cox, na, murathu, khonani yanga yo imaho afho, nae-vho. Mukomana, a thi koni u humbula... Jeffries, a thi koni u humbula dzina lawe. Vhunzhi ha vhoiñwi vhañwe vharathu vha vhudi u bva ngei Georgia, u bva kha zwipida zwo fhambanaho zwa shango. Khonani yanga ya kale, Bill, o dzula hafha, ndi a tenda ndi ene, ano matsheloni. Huno—huno vhunzhi... Huno murathu u bva ngei Georgia afho, vhatu vho mphaho iyo suthu. Ni a ᲅivha, iyo—iyo ndi inwe ya suthu dza khwiñe ye nda vhuya nda i ambara. Zwi pfala zwo naka nga maanda, zwa vhudi nga maanda. Huno ni amba zwinzhi kha nñe. Musi ndi tshi ni vhudza zwo iteaho, haya mađuvha maṭuku o fhiraho, kha nñe, ni do zwi vhona uri ndi ngani ndi tshi ri zwi amba zwinzhi kha nñe.

¹⁷ Zwino, ndi a tenda, arali Murena a tshi funa, ndi khou Ძoda u kondēlela nndwa u fhira zwe nda vhuya nda ita, vhutshiloni hanga. Ngauri, ndi wana uri zwino ndi... Zwo tou ralo, ndi nga fa ḥamusi. Hezwo ndi, a ni divhi. Mudivhito wa mbilu yanga na zwiñwe, x-rei dza fumirathi dzo fhambanaho, ee, tshivhumbeo tsho fhelelaho, tsho sumbedza uri ndo vha ndo... ndo fhelela sa muthu muñwe na muñwe, muthu kha ᲅifhasi. Ngauralo ndi khou livhuwa izwo. Fhedzi, zwithu zweño, na izwo zweño, na u livhuwa na u takalela Mudzimu, uri ndo ralo, uri ndi a tenda uri U kha ᲅi mpfarisa kha tshumelo Yawe, a si zwo A ntsumbedza phanda ha izwo, ni a vhona, zwi tou nnyita uri ndi takale nga maanda.

¹⁸ Zwino, ndi elekanya, madekwana a ḥamusi... Zwo luga kha inwi? [Mukomana Neville u ri, “Ee, muñe wanga.”—Mudz.] Washu—murathu washu wa vhudi ndi—ndi muñwe wa vhatu vha si na vhutshivha, ndi—ndi Mukomana Neville. Huno arali vhañwe vha vhoiñwi no vha ni fhano Swondaha yo fhiraho na pfa uña mulaedza wa vhudi we a u netshedza, nga ha “tshitemba tsha mapfura,” wo vha u tshi khou bva kha... Muñwe wa mulaedza

wa khwiñe une ndo no vhuya nda u pfa, ndi we Mukomana Neville a u netshedza, nga Muya Mukhethwa, Swondaha yo fhiraho, kha heli sambi liṭuku la nngu dze Mudzimu a dici kuvhanganya.

¹⁹ Huno arali zwi tshi do vha zwo luga, zwi tshi takadza Murena, na Mukomana Neville na tshivhidzo, ndi khou ṭoda u dovha nda amba madekwana a ḥamusi nahone nda thoma ndovhololo ya, khañwe, madekwana a Musumbuluwo...ndi amba, madekwana a Swondaha, na madekwana a Ḷavhuraru, na Swondaha i tevhelaho, ndovhololo ya zwe nda guda.

²⁰ Ndo vha ndi nga si tee u dzula afho sibadela. Fhedzi vho vha vha khou mpfara zwavhuđi, vho nñeya lufhera lwa u ya kha thihi-tshararu ya mutengo. Huno zwo ralo nda sokou dzhia Bivhili dzanga, dzibugu dzanga, nahone nda adzela mmbete, nahone nda gwadama n̄tha hafho, nahone nda vhekanya Bivhili dzanga na zwiñwe heneñho. Huno ndo vha na tshifhinga tsha vhudi, u swika vha tshi ñisa ala mapfura a mapfure ngomu afho. Tshifhinga tshanga tsha vhudi tsha guma heneñho. Ndo—ndo vha ndo fhela zwenezwo. Fhedzi, Mukomana Pat, ndo vha ndi tshi khou lwala nga maand̄a. Izwo zwithu, ndi tou vha ndi nga si zwi imele. Huno, fhedzi, ndo vha ndi na tshifhinga tshavhuđi, n̄tha afho lwa maduvhava mavhili kana mararu a u thoma. Ndo vha ndi na tshifhinga tshavhuđi.

²¹ Huno ndo vha ndi tshi khou vhala kha Bugu ya Vhaefesa. Oo, uho u dzudzanywa zwavhuđi ha Tshivhidzo. Huno ndi elekanya uri ndi zwithu zwa vhudi. Huno—huno arali na...

²² Zwino, arali ni na tshivhidzo tshine na ya khatsho, ni ise phanda nahone ni ime kha mushumo wañu. Fhedzi arali ni si na tshivhidzo, nahone ni tshi takalela u vhuya murahu madekwana a ḥamusi, na madekwana a Ḷavhuraru, na madekwana a Swondaha.

²³ Ndi takalela u dzhia, madekwana a ḥamusi, Buya ya 1 ya Vhaefesa; na madekwana a Ḷavhuraru, ndima ya 2 ya Vhaefesa; huno Swondaha i tevheleaho, ndima ya 3 ya Vhaefesa; u itela u vhekanya Tshivhidzo. Ni a ñivha zwine nda amba, ndi u vheiwia Hatsho, vhuimoni. Huno ndi elekanya uri ndi tshifhađo tshi gonyaho, kha Tshivhidzo. A thi...ndi—ndi khou tou amba-vho izwi kha vhadzheni vha Thaberenakele ya Branham.

²⁴ Huno arali muñwe wa vhoiñwi vharathu vha funeaho... vhañwe vha vhoiñwi ndi a ni ñivha, ndi elekanya, ni na miñangano. Murathu washu muñuku u n̄tha ngei Sellersburg, na—na vhañwe vho fhambanaho, vha na miñangano. Zwino, lavhelesani, iyo ndi miñangano ya mvuseledzo. Ni dzhenenelele iyo. Ndi vhalanda vha Kristo, vhanna vhañuku vhane vha khou ima kha mafhande, vho bvaho. Musi na tshivhidzo tshavho vhone vhane tsho landula Ngoho, na zwithu zwi ngaho izwo, vha ḫutshela kule nazwo. Huno Mudzimu o vha vhidzela vhusumeli.

Ee, muñwe wanga. Ndi—ndi takalela muthu . . . a thi humbuli na dzina ṥa uña muthu. Fhedzi ndi muthannga muñku, wa u luga, muthannga wa u naka, na mufumakadzi wa vhudi na vhana.

²⁵ Huno—huno Mukomana Junie Jackson o vha a na miñwe miñgano fhasi hafha, zwine zwa vha zwiñwe zwa vhudi, tshiphuga tshi sumbeyaho tsha tshilidzi tshi mangadzaho tsha Mudzimu. Huno musi ri na mvuseledzo zwivhidzoni zwañu, ni ye khadzo, ngauri izwo ndi zwañu . . . ndi zwine zwa tea u itiwa. Ngauri, a ni ñivhi, hu nga vha na muitazwivhi ane a da kha aleñtare, nahone ni nga tñtuwedzwa u rangela uyo muthu kha Kristo, zwine zwa do vha pfufho khulu kha liñwe sia.

²⁶ Izwo zwi tou vha u dededza na u vheya Tshivhidzo kha ndila kwayo, fhano thaberenakeñeni, u thusedza musi ri tshi khou ñitshimbila.

²⁷ Zwino, a tho ngo da na watshi yanga, ngauralo muñwe muthu u do tea u nndavhelesela. Dok o no ntsumbedza, u nayo. Ngauralo, murathu wanga . . . Ngauralo zwino . . . [Mukomana Edgar “Dok” Branham u ri, “A thi nga u ñuriseli yone,” nahone a ñetshedza watshi yanga Mukomana Branham—Mudz.] A u nga nnñuriseli yone? Zwo luga. Zwo luga, zwino, izwo ndi zwone. Zwo luga, zwino, a thi tendi uri izwi ndi zwone, na u rangani hazwo. Ngauralo . . . [“Ndi a livhuwa. Ndi khou ya u vhudza muñwe nga ha inwi.”] Zwino, oo, oo, sh-sh-sh-sh. [“Ndo humisa mapeni a fumi, nga ñuvha ṥanga ṥa mabebo, ano matsheloni, u tou ita uri ni ñipfe ni wa vhudi.”] No ralo? Zwino hezwo ndi . . . Tshifhinga tsho ralo u tshimbila zwa vhudi, Dok. U ri o humisa mapeni a fumi, nga ñuvha ṥawé ṥa mabebo, u ita uri ndi ñipfe ndi wa vhudi, ngauri hu na mavhili kana mararu vhukati hawe na nñe. Ngauralo ni a kona u vhona hune nda vha hone, fhasi ñilani. Fhedzi, oo, izwo a zwi ambi tshithu na tshithihi, kha nñe. Zwino, a thi nga ambi tshifhinga tshilapfu.

²⁸ Zwino, arali hu na vhatsinda khoroni dzashu, ri ṭoda u ni ṭanganedza nga mbilu dzashu dzoñthe. No ṭanganedzwá nga maanda hafha kha ino thaberenakele ñukhu. A ri na tshifhañt tshihulu. Zwi kha mbekanyo zwino ñuri ri ñi fhañtele, hu si fhethu huhulu, fhedzi hune ha . . . Itshi tsho no ṭahala. Huno ri khou ya u lingedza u ñi fhañela tshivhidzo tsha vhudi tshi dzuleaho hafha, musi ri tshi tou . . . Murena vha do ri tendela uri ri zwi ite. Huno vhunzhi ha vhoinwi ni khou ita tshinwe tshithu kha hezwi, nahone ri a zwi livhuwa.

²⁹ Zwino ndi khou ṭoda ni tshi vula na nñe, ano matsheloni, kha u vhala, kha Samuele ya u Thoma ndima ya 8, nahone ri thome kha, kha ri thome kha ndimana ya 19, ndimana ya 19 na ya 20, khañwe, u itela zwangomu zwa liñwalwa liñku.

³⁰ Huno zwino, musi ni tshi i wana, nahone phanda ha musi ri tshi . . . Ri do i vhala, u bva heneñho ri khou ṭoda u dzhena kha thabelo. Huno arali hu na khumbelo ano matsheloni, huno

i ri ni, “Itau nnyelelwa”? Kha muṭangano washu wa u fhedza, vhege mbili dzo fhiraho, kana tharu, musi ndi tshi vha na muṭangano . . . Ni ri, ro . . .

³¹ Zwavhuđi-vhudı, musi ni tshi khou vula, muṭangano u thoma ngei Chautauqua, zwino nga dzi 6. Ri khou lavhelela tshifhinga tshihulu, Middletown, Ohio. Vhoinwi ni na madalo anu a daho, ni de. Huno gammabu khulu, heneffo mulamboni, hune, oo, ri . . . u rerwa hothe he na vhuya na hu pfa. Vha do vha vho dadza hothe mulamboni, vhareri, matsheloni mañwe na mañwe, masiari na madekwana. Ngauralo vho kuvhangana vhothe. Ndi mbande khulu dza u gammabu, dzo hula u fhira Silver Hills, zwihiulu nga maanda. Huno—huno-ha fhethu huhulu heneffo hune ra nga kona u vhekanya vhukati ha vhathu vha zwigidi zwa malo kana fumi. Huno hu dzula ho ḥala. Ro vha na tshifhinga tsha vhudi ngei Ohio.

³² Huno Mukomana wa kale Kidd, we nda ya u mu rabelela, mañwe matsheloni. Nothe ni a elewa ndi tshi khou ni vhudza, vhege tharu dzo fhiraho? Dokotela o mu ńeya awara dza fumbilina, dza u tshila. O takuwa nahone u khou tshimbila-tshimbila. O topola Luñwalo, luimbo lune a kundelwa u lu imba. Huno musi ndi tshi dzhena ngomu nahone nda mu lavhelesa, mañwe matsheloni, na ila shalo ḥukhu yawe. Ndo ḥuwa fhano nga awara tharu kana nna li sa athu u vha masiari, uri ndi kone u swika khae. Vho vhā vho ri a nga fa nga lenelo ḥuvha; pfuko kha thanga.

³³ Huno wawe wa vhudi, muṭuku, mufumakadzi wa kale, u kuvhela sente dza fuṭhanu nga ḥuvha; izwo ndi musi li sa athu u tsha, u swika vhusiku, a tshi itela sente dza fuṭhanu, a tshi itela uri munna wawe a ise phanda kha luvhande. O rera mvuseledzo ya vhege mbili, huno a dzhia munikelo, a wana sente dza fumalo.

³⁴ Fhedzi ndo vha vhona vho dzula heneffo mañwe matsheloni, avho vhavhili vhaṭuku, vhafunani vha kale, vhafunani vhaṭuku, zwavhuđi-vhudı, vho dzula heneffo, huno shalo yawe kha shađa lawe. Huno muñwe wa mushandukwa wawe, wa miñwaha ya fuṭahe-mbili, a kha di kona na u penya, nahone a Mupertekoste wa vhukuma, huno o dzula heneffo, ni a ḥivha. Huno nda ri, “Ni a ḥivha uri vhoinwi vhathu vha aluwa no dzulela mini afha? No tou lindela tshikwekwete tshi tshi ḥa.” Ndi zwenezwo fhedzi. Mishumo yavho, zwothe zwe vha swikelela, yone—yone ndivho ye vha swikelela, nahone zwino vho lugela u ya kha malamba avho.

³⁵ Huno nda ri kha Mukomana Chev, uri kha Mukomana Kidson . . . Kidd, aļa matsheloni, “U ḥo vha u kha muṭangano wa Chautauqua.”

³⁶ O mmbidza mulovha, a ri, “Ndi . . . ndi ḥo vha ndi heneffo, Mukomana Branham.” Zwo luga.

³⁷ Vhunzhi ha miṭangano, u bva kha vhushumeli hanga vhuswa vhune ha khou dzhena. Murathu, murathu wa Mubaphuthisi o ima heneffo, ḥwananyana wawe, wa thangana-murole, o vha wa thungonyana. Huno a mu vhudza, “Ndi u neya ḥwananyana wau u itela Murena Yesu,” maṛwe matsheloni. Huno musi a tshi ya hayani, o tshidziwa. Huno muṇwe hafha ano matsheloni, u khou ṭoda u lovhedzwa na zwiñe.

³⁸ Huno munna, Vho. Sothmann, khonani yanga u bva ngei Canada, mazwale wawe vha kha nyimele ya u fa, a ri, “U do wana mazwale wau musi u tshi swika afho, vho fhola, vha kha u fhola, zwo luga.” Zwi tou vha nga yeneyo ndila. Huno-ha... vhathe vha khou dzhena ngomu. Zwi tou vha kha vhuṭuku hazwo zwino, zwi khou tshimbila. Fhedzi, oo, ri khou lavhelela zwi fhirisaho, zwo dalaho n̄ha ha zwoṭhe. Ri mađuvhani mavhi nahone a u fhedza, fhedzi kha awara ya vhugala.

³⁹ Zwino naa ni na Bivhili yanu, u itela u vhala, ndima ya 8 ya Samuele? Huno ndo fulufhedzisa Gene uri a dzule murahu hafho, uri a rekhode izwi zwoṭhe. Ro vha ri kha di tou thoma u, kha muṭangano washu.

Zwo diralo vhathe vha landula u tevhedza ipfi la Samuele; huno vha ri, Hai; fhedzi ri ṭoda khosi;

Uri ri...ri nge-vho...lwone lushaka, tshaka dzoṭhe; na uri khosi yashu i ri haṭule, nahone i tshimbile phanda hashu, nahone i lwe nndwa dzashu.

...Samuele a pfa aya maipfi oṭhe a vhathe, huno... a a swikisa n̄devheni dza MURENA.

Huno MURENA a ri kha Samuele, Ipfa ipfi lavho, nahone u vha itele khosi. Huno Samuele a ri kha vhanna vha Isiraele, muthu muṇwe na muṇwe kha ye kha dorobo yawe.

⁴⁰ Zwino arali ndi tshi nga lingedza u nanga u bva kha hezwi, ano matsheloni, zwine nda do zwi vhidza liñwalwa, kha miniti i si gathi i tevhelaho, ndi takalela u nanga liñwalwa la: *Khosi Yo Landuluaho*.

⁴¹ Ho vha hu tshifhinga, vhunga zwifhinga zwoṭhe, hune vhathe a vho ngo vhuya vha ṭoda Mudzimu a tshi vha ranga phanda. Vha ṭoda ndila yavho ya vhurangaphanda. Huno tshin tshiṭori ano matsheloni... Huno musi ni tshi ya hayani hanu, zwi do vha zwa vhidi ni tshi tshi vhalal tshoṭhe. Ho vha hu nga tshifhinga tsha—tsha mađuvha a Samuele, munna wa Mudzimu, muporofita. Huno o sokou vha muthu zwawe, nahone muthu muvhuya, a ḥonifheyaho, wa tshirunzi, wa ngoho nahone wa vhungoho kha vhathe, ho ngo vhuya a vha fhura, nahone a sa vha vhudzi tshithu fhedzi tswititi ARALO MA AMBA MURENA.

⁴² Fhedzi vhathe vho swika fhethu he vha ṭoda u shandukisa iy়i mbekanyamushumo. Vho lavhelesa kha Vhafilista, na

Vhaameleke, Vhaamori, Vhahitu, na dzińwe dzitshaka dza shango. Huno vha vhona uri vha na dzikhosi dzine dza vha vhusa, na u vha vhusa, vha u vha sumba ndila, na u vha lwela nndwani dzavho, na zwińwe zwinzhi. Huno hezwi zwi nga Isiraele yo ḥoda u tevhedza vhunga hedzi khosi, na u fana na havha vhathu.

⁴³ Fhedzi a zwe ngo vhuya zwa ralo, kha tshikhathi na tshithihi, maitele a Mudzimu uri vhathu Vhawe vha tshile vhunga vhathu vha shango, kana u vhuswa kana u langiwa u fana na vhathu vha shango. Vhathu vha Mudzimu, sa nga misi, vho vha—vho vha vhathu vha so ngo doweleyaho, vhathu vho fhambanaho, vho vhidzelwaho nn̄da, vho fhandekanywaho, nahone vho fhambanaho kha nyito dzavho, kha ndila dzavho, kha kutshilele kwavho, u fhira zwe vhathu vha shango vha ralo. Dzangalelo ḥavho la zwithu, na zwe the zwe vha vhumbwa ngazwo, zwe dzulela u vha zwe fhambanaho kha zwithu zwine vhathu vha shango vha takalela.

⁴⁴ Huno vhathu vha Isiraele vha ḥa kha Samuele huno vha ri, “Zwino, u khou aluwa, nahone vharwa vhau a vha tshimbili kha ndila yau.” Ngauri, vho vha vha si vha ngoho sa Samuele. Vho vha vha vha tshanda-nguvhoni na vhahomboki vha tshelede. Huno vha ri, “Samuele, vhatukana vhau a vha fani na iwe, ngauralo ri khou ḥoda u tshi ya nn̄da huno wa ri wanela khosi, huno u Mu ḥolise, nahone u ri ite vhathu vhunga vhańwe vhathu vhothe vha shango.”

⁴⁵ Huno Samuele a lingedza u vha vhudza uri izwo a zwi nga shumi. A ri, “Arali na ita izwo, tshithu tsha u tou thoma, ni ḥo wana uri u do vhidza vharwa vhanu vhothe u bva hayani hanu, huno a vha ita masole, ane a ḥo gidima phanda ha gariki yawe, nahone vha hwala zwipileli na mapfumo. Hu si izwo fhedzi, fhedzi u ḥo vhidza vhananyana vhanu, uri vha vhe vhabaki vha vhurotho, nahone a ni dzhieha vhone, uri vha kanzwe mmbi. Huno,” a ri, “nn̄dani ha izwo zwe the, u ḥo dzhia muthelo kha vhoinwi, wa mavhele anu, na mbuelo dzańu dzothe. U ḥo thelisa izwo zwe the, uri a ite zwikolodo zwa muvhuso, na zwińwe zwinzhi, zwine zwa ḥo tea u badelwa.” A ri, “Ndi elekanya uri ni khou ralo, nothe, u ita phoswo.” Fhedzi musi . . .

⁴⁶ Vhathu vha ri, “Fhedzi ri kha di ḥoda u fana na vhańwe vhathu.” Hu na tshinwe tshithu nga vhanna na vhasadzi, tshine vha tama u fana. Huno hu tou vha na muthu muthihi we a vhuya a tshila kha lifhasi we a vha a tsumbo yashu, nahone ndi Ene we a ri fela rothe, Murena washu na Mutshidzio, Yesu Kristo. O vha tsumbo yo khunyelelaho ya zwine ra tea u vha zwone, o vha a tshi dzula a kha mushumo wa Khotsi, nahone a tshi khou ita zwe fanelaho.

⁴⁷ Huno hu si na ndavha uri Samuele o lingedza hani u kombetshedza vhathu, vho isa phanda na u ya phanda hawe,

masiari na vhusiku, “Ri khou ṭoda khosi. Ri khou ṭoda muthu. Ri khou ṭoda muthu ane ra nga ri, ‘Hoyu ndi muendedēzi washu.’”

⁴⁸ Huno izwo a zwe ngo vhuya zwa vha lufuno lwa Mudzimu. Zwe vha zwi si lufuno lwa Mudzimu, kana u vhuya zwa do vha lufuno lwa Mudzimu, uri muthu a vhuse muñwe. Mudzimu u vhusa muthu. Mudzimu ndi Muvhusi washu, Khosi yashu.

⁴⁹ Huno ndi zwe raloho, zwe raloho zwi sa takadzi zwa ñamusi, ngauri muthu u vhonala a na yeneyo ngelekanyo i fanaho. A vha vhonali vha tshi kona u gavha zwa uri Mudzimu u kha di vhusa muthu, vhudzuloni ha muthu a tshi vhusa muthu.

⁵⁰ Ngauralo vha dinangela muthu nga dzina la Saulo, we a vha a murwa wa Kisi. Huno o vha a muthu wa tshirunzi, muthu a ḫonifheyaho. Fhedzi a fusha vhathu nga ndila yone, ngauri o vha a muhulu, mulapfu, wa tshirunzi, munna wa musonda. Luñwalo lu ri ḫoho yawe na mashada awe zwe vha zwi n̄tha ha muthu muñwe na muñwe wa Israele. O vha a tshi vhonala sa khosi, nahone o naka tshifhañwoni. O vha a muthu wa vhukoni nahone a mangadzaho lu no kanukisa.

⁵¹ Zwino, ulwo ndi lushaka lwa muthu lune vhathu vha takalela u nanga ñamusi. Vhathu vha vhonala vha tshi nga a vha fushei nga ndila ine Mudzimu o vheya Tshivhidzo Tshawe, uri tshi vhuswe na u langiwa nga Muya Mukhethwa. Vha khou ṭoda muñwe muthu, muñwe munna, inwe dinomineisheni, vhañwe vhathu uri vha vhuse Tshivhidzo. Uri, a vha koni u diposa lwo fhelelaho kha tshanda tsha Mudzimu, uri vha vhe vha tshimuya, uri vha rangwe phanda nga Muya Mukhethwa. Vha khou ṭoda muñwe muthu uri a vha itele vhurereli, muñwe muthu ane a do vha vhudza uri vha tea u zwi itisa hani, na zwiñwe zweñothe.

⁵² Ngauralo hoyu munna u vhonala a tshi tea kha uvho vhuimo kokotolo, ngauri o vha a muthu wa ndivho.

⁵³ Huno zwi fana na ñamusi. Ri takalela u nanga vhathu vho raloho, na riñe-vho, uri vha lange zwivhidzo zwashu, uri vha lange Tshivhidzo tsha Mudzimu. A thi ambi tshithu tshi lwaho nazwo, fhedzi u tou sumbedzisa, uri: a si hezwo, zwe vha zwi so ngo ralo, nahone zwi nga si vhuye zwa vha lufuno lwa Mudzimu, uri zwe raloho zwi itee. Mudzimu u tea u vhusa vhathu Vhawé, u vhusa muthu muñwe na muñwe.

⁵⁴ Zwenezwo-ha ri wana uri hoyu murwa wa Kisi, muthu muhulu, na-na tshiimo tshawe, na tshawe... O vhonala a tshi fusha vhathu, uri nguvho yawe khae i do vhonala i ya vhudi. Huno khare kha ḫoho yawe, n̄tha ha vhathu vhothe, musi a tshi tshimbila, u do vha—vha wa ndeme kha muvhuso wa Israele. Ngauri, dziñwe khosi dzi do ralo, dza dziñwe dzitshaka, dzi do elekanya, “Lavhelesani uri ndi muthu-de!” Vha nga sumba hani miñwe yavho nahone vha ri, “Lavhelesani hafha, uri ri na khosi khulu hani! Lavhelesani uri ri na muthu muhulu hani!”

⁵⁵ Huno zwi a ḥungufhadza u ri, huno zwe ralo hani ḥamusi kha tshivhidzo, vha funa u ri, “Mufunzi washu ndi muthu wa muhumbulo wo ḥandavhuwaho. Ndi muthu muhulu. O phasa ngei Hartford, kana tshiñwe tshikolo tshihulu tsha thiolodzhi. U na digirii nna nahone dza fhethu *hukene na hukene*. Huno ndi muṭanganyisi wa khwiñe vhukati ha vhathu.” Huno izwo zwi nga vha zwi zwone, nahone zwi na fhethu hazwo. Fhedzi ndila ya Mudzimu kha Tshivhidzo Tshawe ndi u rangiwa phanda nga Muya Mukhethwa, na nga Muya Wawe.

⁵⁶ Fhedzi vha takalela u ri, “Ri na heyi dinomineisheni khulu ine ra wela khayo. Ro thoma murahu nga mađuvha a vhathu vha u thoma, musi ri tshe vhaṭuku, vhathu vhaṭuku vhukuma, nahone ri vhaṭuku. Huno zwino ro aluwa u swika fhethu hune ri vhukati ha dzidinomineisheni khulu dzi re hone. Ri na zwikolo zwa khwiñe, na vhashumeli vha khwiñe vho funzeaho. Ri na magogo a khwiñe o funzeaho. Na vhathu vha ḥthalukhanyo khulu vha dorobo vha dzhena kha dinomineisheni yashu. Huno ri ḥneya kha lufuno. Huno ri ita mishumo mivhuya, na zwoṭhe zwe raloho.” Huno hu si na tshitihu na luthihi, Mudzimu a so ngo tendela, uri ndi ambe ipfi ḥithihi ndi tshi lwa na izwo, ngauri izwo zwoṭhe zwe luga.

⁵⁷ Fhedzi, naho, a si lufuno lwa Mudzimu uri muthu a vhuse muthu. Mudzimu o rumela, nga Duvha ḥa Pentekoste, Muya Mukhethwa uri u vhuse kha mbilu dza vhanna, nahone u vhuse kha vhutshilo hawe. A zwe ngo ambelwa uri muthu a vhuse muthu.

⁵⁸ Fhedzi ri takalela u amba izwo. Ndi zwithu zwi hulu nga maanda musi ri tshi ri ri wela kha dzangano likene-kene.

⁵⁹ “Naa ni Mukriste?” Ndi zwenezwo zwine nda pfa kha heli ḥinwalwa, musi ndi ngei sibadela. Huno ndo vha ndi tshi ralo u vhudzisa muñwe, “Naa u Mukriste?”

“Ndi wela kha *tshikene na tshikene*.”

“Naa u Mukriste?”

“Ndi wela kha *tshikene na tshikene*.”

⁶⁰ Huno muongi muṭuku a da thungo ha mmbete, he nda vha ndi tshi khou vhala Bivhili, huno a ri—a ri ene muongi muswa phasi. Huno a ri, “Hu ita hani.” A ri, “Ndi a tenda uri u Mufunzi Branham, u fhano u ḥolwa muvhili.”

Nda ri, “Ndi nn̄e.”

⁶¹ Huno a ri, “Naa ndi nga sikiṭedza muṭana wau, khañwe u ḥo dipfa u khwiñe nga munukho?”

Huno nda ri, “U nga zwi ita.”

⁶² Huno musi a tshi khou sikiṭedza muṭana wanga, a ri, “U wela kha tshivhidzo tshifhio tsha dinomineisheni?”

⁶³ Huno nda ri, “Oo, ndi wela kha dinomineisheni ya kalesa I re hone.”

Huno a ri, “Ndi ifhio yeneyo dinomineisheni?”

⁶⁴ Nda ri, “Ndi ye ya vhumbana phanda ha musi shango li sa athu u vhumbiwa.”

⁶⁵ Huno, “Oo,” a ri, “mini? A thi tendi uri iyo ndi a i divha.” A ri, “Ndi wela kha tshihidzo *tshikene*. Naa ndi lone ilo dzangano?”

⁶⁶ Nda ri, “Hai, mme. Itshe tsho vha hone miñwaha ya madana mavhili yo fhiraho, ilo dzangano. Fhedzi heli dzangano lo thoma musi naledzi masase dzi tshi imbelela dzothe, nahone vharwa vha Mudzimu vha huwelela nga dakalo, musi vha tshi vhona u Vhuya ha Mutshidzi u rengulula lushaka lwa muthu.”

⁶⁷ Huno a ima u sikiñedza muñana wanga. Huno nda ima zwiñuku, nga *heyi* ndila, uri mufumakadzi a sikiñedze. Huno o vha a tshi bva tsini na Corydon, fhasi hafha. Ra thoma u amba. Huno a ri, “Muñe wanga, ndo dzulela u tenda uri arali Mudzimu o vhuya a vha Mudzimu, U kha di vha Mudzimu, namusi, u tou fana na zwe a vha A zwone maduvhani a kale.” A ri, “Naho tshikalo tsha tshihidzo tshanga tshi tshi landula izwo, fhedzi ndi a tenda uri izwo ndi Ngoho.”

⁶⁸ Huno nda ri, “A u ho kule na Muvhuso wa Mudzimu, musadzi muñuku.”

A ri, “Arali o vhuya A vha mufhodzi, naa Ha kha di vha mufhodzi?”

Nda ri, “U kha di vha o ralo, khaladzi anga.”

⁶⁹ Fhedzi muthu u khou ñoda u vhusa, u vhusa muthu. Huno muthu u khou ñoda muthu a tshi mu vhusa. Ha ñodi Mudzimu a tshi vhusa.

⁷⁰ Ngauralo hoyu murwa wa Kisi, Saulo, nga dzina, o vha a tshi tou vha phindulo kha zwe vha vha tshi khou ñoda, muthu wa tshimo tshihulu. Huno ene... Oo, o vha a tshi tou vha ranga phanda a vha isa nndwani dzavho, na zwiñwe zwinzhi. Fhedzi, naho, ho vha hu si ndila ya Mudzimu ya u ita zwithu. Mudzimu o vha a tshi khou ñoda muporofita Wawe wa u fulufhedzeya wa kale a tshi vha sumba ndila, nahone a tshi amba Maipfi Awe khavho.

⁷¹ Zwino, namusi, kha tshikhathi tshashu tshihulu tsha tshihidzo tshine ra tshila khatsho, riñe, ndi elekanya, nahone nda tenda hezwi nga mbilu yanga yothe, uri ro ita zwo fhambanaho na zwe Mudzimu a ri telauri ri ite. Maipfi a u fhedza a Mutshidzi washu o vha a kha Marko 16. A ri:

Tshimbilani kha shango lothe, huno ni rere mafhungo madifha kha tshivhumbwa tshinwe na tshinwe.

Uyo ane a tenda nahone a lovhedzwa u do tshidzwa;... uyo ane a si tende u do latwa.

Huno izwi zwiga zwi do tevhela avho vhatendaho; Dzinani ḥanga vha do pandela vhodiabolo; vha do amba nga ndimi ntswa;

Huno arali vha ralo u takula ḥowa; kana... vha ḥwa...zwithu zwi vhulayaho, a zwi nga vha vhaisi; huno arali vha...vheya zwanda zwavho kha vhalwadze, ...vha do fhola.

⁷² A hu na muthu, a hu na murwa wa Kisi, kana muñwe-vho, ane a nga bveledza izwo nnđani ha vhurangaphanda ha Muya Mukhethwa. Fhedzi ro vhumba zwikolo, ro vhumba dziseminari, nahone ro vhumba madzangano, u—u itela u fusha, na u fana na shango.

⁷³ Zwino, Muya Mukhethwa wo vha u Murangaphanda kha luno lushaka. Luno lushaka lwo vha lu tshi vhuswa musi ngei murahu nga...musi vha tshi ḥwala khwathisedzo ya vhudilangi. Huno ha vha na nyengedzelo ya tshidulo tsho dzulaho afho. A hu na u timatima na huṭuku-ṭuku muhumbuloni wanga fhedzi zwe Murwa wa Mudzimu a vheya kha ṭafula, musi luno lushaka lu tshi waniwa kha milayo ya mbofhollowo ya vhurereli na mbofhollowo kha zwe, na kha mutheo wa Ipfi ḥa Lini na lini ḥa Mudzimu.

⁷⁴ Fhedzi ro tshikafhadza izwo. Polotiki; ro khetha vhanna ngomu afho, fhasi ha u renga na u rengisa, na pfulufhedziso dza mazwifhi. U swika...Lushaka Iwashu, na polotiki yashu, na demokirasi yashu, zwo tshikafhala u swika hune zwo—zwo shandukiswa nga vhukomonisi na tshaka dzithe dziiizimu.

⁷⁵ Huno zwifhinga zwinzhi ri vhidza zwikhala zwa thabelo, musi mbumbano dza dztshaka dzi tshi ṭangana, huno heneffo...kana u vha na nyambedzano. Huno kha tshinwe, tshifhinga tshihulu, a si kale, a ho ngo vha na tshifhinga na tshithihi tshe ha vhidzelelwa thabelo. Ri khou ya u dzudzanya hani phambano hu si na thabelo? Ri lavhelela hani, kha shango ḥothe, u ita tshinwe tshithu hu si na vhurangaphanda ha Muya Mukhethwa?

⁷⁶ Fhedzi i ri ni ndi ambe hezwi nga lufuno na ḥonifho kha lushaka Iwashu na kha fulaga yalwo, na kha zwiné riphabuliki ya imela zwone. Ro landula Murangaphanda washu, Muya Mukhethwa, nahone nga dzipolotiki dzo sinaho ro dzenisa vhanna vha mihumbulo yo shandeyaho. Huno arali na sa lavhelesa, vha khou ya u ita iñwe ya phoswo khulwanesa ye vha vhuya vha ita, zwino, ndi ngauri vhathe vha khou ḥoda vhanna vha tshi vha vhusa.

⁷⁷ Zwiné ra khou ḥoda kha muvhuso wa United States, sa muphuresidente, zwiné ra khou ḥoda kha Congress, zwiné ra khou ḥoda kha holo dzashu dza vhulamukanyi, ndi vhanna vho kumedzaho vhutshilo havho kha Mudzimu, nahone vho dadzwaho nga Muya Mukhethwa, nahone vha rangiwaho

phanda nga sia Lawe Livhuya. Fhedzi, vhudzuloni ha hezwo, ri nanga vhanna vha ndivho, vhanna vhane vha vha na "tshivhumbeo tsha u ofha Mudzimu, nahone vho landula Maanda a Mudzimu," vhanna vha sa tendi uri Mudzimu u hone, nahone tshiñwe tshifhinga vha tshi fhira hezwo, ri dzenisa kha sia lašhu la polotiki, la lushaka lwashu.

⁷⁸ Hu si hezwo fhedzi, fhedzi na ngomu zwivhidzoni zwashu. Zwivhidzo zwashu two sina kha sia la uri rine, kha u nanga vhalisa vhashu uri vha ri range phanda, ro ya kha dziseminari nahone ra khetha vhanna vha ndivho khulu, vhanna vha na muhumbulo wa vhučali, vhanna vha na dzibasari, nahone vhane vha vha vhakonanyi vhahulu vhukati ha vhatu, nahone vhane vha vha vhanna vhahulu kha vhadzulatsini, zwine a hu na tshire nda amba tshi lwaho nazwo. Vhanna vho lugaho kha mitshimbilo yavho, vha londolaho kha mitshimbilo yavho, na nga ndila ine vha difara vhukati ha vhanna, vhukati ha vhatu, vhanna vhahulu maimoni avho, vhane a thi ambi zwivhi ngavho. Mudzimu a so ngo tendela uri muya wanga u vhe muvhi nga heyo ndila. Fhedzi, naho, hezwo a si zwe Mudzimu a ri nangela.

⁷⁹ Ndi vhurangaphanda ha Muya Mukhethwa: Kristo mbiluni ya vhanna. Vhunzhi ha havho vhanna vha ndivho vhane vha ima kha phuluphithi yashu vha landula u vha hone ha vhukuma ha Muya Mukhethwa. Vhunzhi havho vha landula u vha hone ha phodzo Khethwa na Maanda a Muya.

⁸⁰ Ndo vha ndi tshi khou vhala tshiñori kha gurannda, mulovha, ndi a tenda two ralo, ndovhololo ya zwipida kha gurannda u bva kha Jack Coe, Jack Coe mučahabvu, ene... muňwe wa vhashandukwa vhanga vhe nda vha disa kha Murena Yesu, we a vha a munna wa maanda o dzingindelaho, duvhani lawe. Huno a vhidziwa uri a vhudzisiwe, fhasi ngei Florida, ngauri o vhudzisa n̄wana mučuku uri a bvise masenga milenzheni yawe, nahone a tshimbile kha pulatifomo. Huno nga u ita zwenezwo, n̄wana a tshimbila kha pulatifomo, o fhelela, huno a wa nahone a ya kha mme awe. Zwothe zwi nzudzanyo ya swina la Kristo, hoyu musadzi mučuku na munna wawe vha disa murathu wa u luga kha khothe dza shango.

⁸¹ Huno musi tshivhidzo tshiñwe na tshiñwe tsho vha tsho tea u ima na Mukomana Jack, musi muthu muňwe na muňwe wa tshivhidzo a bulaho Dzina la Yesu Kristo o vha o tea u ima nga thungo hawe, o khwačha, muthu muňwe na muňwe a vhidzelelaho kha Dzina la Murena Yesu o vha o tea u wa nga magona awe a rabela. Fhedzi, vhudzuloni ha izwo, kha thoho dza magurannda, iňwe ya dzidinomineisheni dzashu khulu yo ri vho thusana na vha sa tendi kha uri Mudzimu u hone, kha u hačula, na u honela Mukomana Jack Coe khotoni. Na ni a humbula tshivhidzo, vha tshi divhidza Dzina la Kristo, vha thusana na vha sa tendiho kha u vha hone ha Mudzimu, kha u hačula muthu

muvhuya we a vha a tshi khou lingedza nga mbilu yawe yo^{the} u imela Bivhili? Fhedzi vha zwi ita.

Huno-ha Mukomana Gordon Lindsay o mu lamulela.

⁸² Huno musi muha^ṭuli a sa tendi a tshi ri, “Uyu muthu ndi mufhura ngauri o bvīsa masenga kha uyo mwana nahone a mu rumela kha pu^ṭatifomo, huno a ri o ‘fholā.’ Huno o zwifha, nahone a ita zwithu zwe fhambanaho na ndaela dza dokotela, ngauralo u na mulandu wa vhufhura.”

⁸³ Huno Vho. Coe vha takuwa, huno vha ri, “Mu^{ne} wanga, ndi hanedza ayo mafhungo. Mudzimu o fhodza uyo mutukana.”

⁸⁴ Huno muha^ṭuli a ri, “Ndi do vhudzisa muthu ufhio na ufhio kha ino khothe arali ayo mafhungo a ngoho, uri Mudzimu a nga fhodza uyo mutukana kha tshiñwe tshipi^{da} tsha pu^ṭatifomo, nahone a mu tendela a lwala kha tshiñwe. Arali ayo mafhungo a tshi nga sumbedzwa nga Bivhili, zwenezwo ndi ri Vho. Coe vha na pfanelo ya mafhungo avho.”

⁸⁵ Huno mushumeli a imisa tshanda tshawe, huno a ri, “Muhulisei, mu^{ne} wanga, naa ndi nga zwi amba?”

Huno muha^ṭuli a ri, “Zwi ambe.”

⁸⁶ Huno mushumeli a ima nga milenzhe yawe, nahone a ri, “Vhuⁿwe vhusiku, kha lwanzhe lu gabaho, musi tshikwekwete tshi^ṭuku tshi tsini na u quvhela fhasi, fulufhelo lo^ṭhe la u tshidziwa lo vha li si tsheho. Vha vhona Yesu, Murwa wa Mudzimu, a tshi da a tshi khou tshimbila kha madi. Huno muⁿwe wa vhaapostola, nga dzina la Petro, a ri, ‘Arali uyo a Iwe, Murena, ntendele ndi de ha Iwe nga n^{ha} ha aya madi.’” Huno a ri, “Murena a ri kha muapostola Petro, ‘Ida.’ Huno a bva kha tshikwekwete, mu^{ne} wanga, a tshi khou tshimbila u tou fana na Yesu, a tshi khou tshimbila kha madi. Fhedzi musi a tshi ofha, a thoma ungwandamela phanda ha musi a tshi swika kha Yesu.”

Muha^ṭuli a ri, “Mulandu wo fheliswa.”

Ri khou ḥoda vhurangaphanda ha Muya Mukhethwa, hu si vhanna vha mihumbulo.

⁸⁷ Saulo, murwa wa Kisi, a itwa mulangi wa vhathu, huno a dzhia vhanna vha zwigidi zwivhili, nahone Yonathani a dzhia vha zwigidi. Huno Yonathani a tsela fhasi kha gammiba nahone a rwa tshigwada tsha Vhaamori, Vhaamori, zwavhudzi-vhudi. Huno musi—musi o vha rwa, Saulo a lidza phalaphala, huno a ri, “Ni a vhona zwe Saulo a ita.” A thoma u dīkukumusa.

⁸⁸ Musi muthu a tshi tou thoma u vha Dokotela liⁿwe lihulu la Vhukhethwa, kana a wana tshiñwe tshithu tshi^ṭuku kha dzina lawe, u thoma u dalelwa, kana u fhungudzea, mu dīvha zwe^{the}.

⁸⁹ Vhanna vha Mudzimu ndi vha u dīnyadza. Vhathu vha Mudzimu ndi vhatu vho nyadzeyaho. Musi ni tshi vhona muⁿwe muthu ane a ri o ḥanganedza Muya Mukhethwa, huno a thoma u

dikhetha, zwenezwo, vha si na Lutendo, vha tshi tshimbila, vha tshi lingedza u vha tshiñwe tshithu tshine a vha thone, itanu elelwa, a vho ngo ḥanganedza Murena Yesu.

⁹⁰ Zwenezwo ri wana uri swina lo dzhena. Huno o vha a tshi khou ya u ḫa kha tshigwada tshiñuku tsha vhathe vha Mudzimu, huno izwo zwo vha zwi tshi khou ya u bvisa līto lone la muthu muñwe na muñwe.

⁹¹ Hezwo ndi zwo swina lo lingedza u dzulela u ita, ndi u bvisa maño othe, arali li tshi nga kona, uri vhathe vha si kone u vhona zwine vha khou ita. Hezwo ndi zwine Sañhane a lingedza u ita ḥamusi kha Mukriste muñwe na muñwe, u bvisa u vhona hawe ha tshimuya, uri a tevhele fhedzi maitele a muhumbulo, nahone hu si maitele a Muya Mukhethwa a mu rangaho phanda.

⁹² Ngauralo musi vha tshi ita izwo, musi u kundwa huhulu hu tshi swika, zwenezwo Saulo a tumula phulu mbili khulu nahone a dzi rumela kha vhathe vhothe. Huno ndi tama uri ni limuwe hafha, musi Saulo a tshi rumela zwipiða zwa phulu kha Isiraele yothe, huno a ri, “Litshani muthu muñwe na muñwe a sa tevhele Samuele na Saulo, mu litsheni, heyi phulu, ivhe nga u rali.” Ni a vhona uri u lingedza u fhura hani nga u disumba na munna wa Mudzimu? Zwo—zwo vha zwi si zwa vhukriste na luthihi hani! Nyofho dza vhathe ho vha hu nga nthani ha Samuele. Fhedzi Saulo o vha ita uri vhothe vha tevhele ene ngauri vhathe vho vha vha tshi khou ofha Samuele. “Vha litsheni vha tevhele Samuele na Saulo.”

⁹³ Huno ndi zwifhinga zwinzhi, ḥamusi, hune ra zwi pfa! “Ri Tshivhidzo tshihulwane. Ri Tshivhidzo tsha Kristo. Ri Tshivhidzo tsha Mudzimu. Ri thone—thone *tshekene na tshikene*.” Zwi ita uri vhathe vha ofhe, nahone vha humbule uri afho ndi hone hune Mudzimu a khou shuma hone. Huno a vha ḥodi vhurangaphanda ha Muya Mukhethwa. Vha nga ḥamba vha tevhela vhanna sa zwenezwo, ngauri vha takalela u tshila vhutshilo havho vhone vhañe. Vha takalela u tenda zwine vha ḥoda u tenda.

⁹⁴ Ni a vhona? Muya Mukhethwa ndi Muhañuli washu. Mudzimu ho ngo vhuya a ri neya mupapa, kana mubishopho, kana muñwe muthu, uri a vhe Muhañuli. Muya Mukhethwa, Muthu wa Mudzimu, kha tshivhumbeo tsha Muya Mukhethwa, ndi Muhañuli washu na Muendedzi washu. Zwino, ngani izwo?

⁹⁵ Ndi humbela ni tshi farela uhu u kondä, nahone tsumbo i vhaisaho. A thi zwi ambeli u vha muvhi. Ndi zwi amba zwi tshi bva kha lufuno.

⁹⁶ Fhedzi Muya Mukhetwa uri zwo khakheya musi vhasadzi vhashu vha tshi ḥunya mavhudzi avho. Nahone zwo khakheya musi vhasadzi vhashu vha tshi ambara zwiambaro zwipfufhi na zwileke, na u ḫola meme dzavho na zwifhañuwo nga zwidolo. Muya Mukhethwa uri zwo khakheya.

⁹⁷ Fhedzi ri khou ṭoda vhanna vha tshi ri vhudza uri izwo zwe luga, “Tenda fhedzi na tevhela nn̄e na Samuele.” Vha takalela u tshila mađuvha a rathi, nga ndila ine vha ṭoda, nahone vha ya tshivhidzoni nga matsheloni a Swondaha. Huno mutshudeni wa vhudi wa thalukanyo u bva gudedzini a na digirii nnzhi a amba navho kha pfunzo thukhu ine ya do... miswaswo i si gathi khayo, ine ya do takadza ndevhe dzavho nahone ya vha ita uri vha takadzeye, vhunga mbekanyamushumo dziňwe dza litambwa kana thelevishini. Huno vha vha rabelela nga thabelo thukhu, huno vha vha rumela hayani na zwi ngaho yone—yone tsireledzo yo fhelelaho ya uri vho ita vhurereli havho. Izwo a si lufuno lwa Muya Mukhethwa.

⁹⁸ Muya Mukhethwa u khou ni ṭoda ni tshi tshila luvhuya, duvha liňwe na liňwe kha vhege, na vhusiku vhuňwe na vhuňwe, ni tshi difhandekanya kha zwithu zwa shango.

⁹⁹ Fhedzi tshivhidzo a tshi khou ṭoda hezwo. Vha khou ṭoda muňwe muthu ane a kona—ane a kona u ṭalutshedza Bivhili nga ndila ine vha khou ṭoda u ipfa Ngayo. A vha nga thetshelesi ipfi la Muya Mukhethwa li tshi amba kha Bivhili. Vhunzhi havho vha khou ṭoda u ri, “Mađuvha a madembe o fhira.” Hezwo ndi zwone zwi takadzaho vhathu. Vha khou ṭoda u ri, “A hu na ndovhedzo ya Muya Mukhethwa.” Vhathu a vha ṭodi u tshila lwo fhambanaho u fhira zwine shango lothe la itisa zwone. A vha ṭodi u dzhena tshiṭaraṭani huno vha ḥanziwa zwifhaṭuwō zwavho, na—na vhanna vha na mbonalo dzo kunaho, huno hu si na fola milomoni yavho, na—na mafola, na dziphaiphi, na—na zwithu zwine vhanna vha ita. Huno vhasadzi vha khou ṭoda mavhudzi avho a tshi tumulwa a vha mapfufhi, na—na zwiambaro zwipfufhi, na u sumbedza zwivhumbeo zwavho, na zwithu zwine vha khou ṭoda. Vha—vha khou ṭoda vhanna vhane vha do vha vhudza, “Uri zwe the zwo luga.”

¹⁰⁰ Zwenezwo, vhuňwe vhusiku, ha bvelela muthu a tshi ṭoda u mmbudza, uri ngauri ndo rera ndi tshi lwa na izwo, uri dinomineisheni khulu, u ya kha vhuṭanu havho, vha ri, “Ri do litsha Mukomana Branham nahone ri si tsha vha na vhusumisani nae. U nga ḥamba wa vhuisa hedzi theiphi murahu, nahone wa humbela pfarelo nga n̄thani hadzo, kana ri do u litsha.”

¹⁰¹ Nda ri, “Ndi do ima na Ipfi la Mudzimu. Arali zwi tshi dzhia zwe the zwi re vhutshiloni hanga, ndi do dzula na Ipfi. Huno nda...”

Vha ri, “Zwo luga, a u nga ralo u vhuisa murahu theiphi nkene na nkene?”

¹⁰² Nda ri, “A thi athu u rera tshithu, vhutshiloni hanga, zwe nda shona ngazwo. A thi vhuisi theiphi na nthihi murahu kana rekhodo na nthihi. Ndi ima na zwine Muya Mukhethwa wa amba. Izwo ndi tshila ngazwo nahone nda fa ngazwo.” A thi

khou lingedza u diamba zwino. Fhedzi ndi khou tou lingedza u ni sumbedzisa zwine zwa khou itea, uri ni kone u vhona na u pfectesa. Ndi vhathu vhane vha khou ḥoda u rangiwa phanda nga vhanna.

¹⁰³ A vho ngo ḥoda Samuele. Zwenezwo phanda ha musi vha tshi dolisa Samuele sa khosi...kana Saulo, khosi, nkhangweleni, Samuele a dovha u vhuya khavho. Huno ndi khou ya u amba nga luambo lune o vha a tshi nga zwi amba ngalwo namusi. Ni nga zwi vhala. A ri, “Thaidzo ndi mini musi Mudzimu a Khosi yanu?”

“Zwo luga, a ri vhoni Mudzimu.”

¹⁰⁴ “Zwo luga, ndi mu imeleli Wawe.” Samuele a ralo. “Naa ndo no vhuya nda ni vhudza tshiñwe tshithu tsho khakheyaho? Naa ndo no vhuya nda porofita tshiñwe tshithu tshi so ngo vuledzeyaho nga ndila ye nda ri tshi do ralo? Naa atho ngo ni vhudza Ipfi la Murena? Huno ndi do ni vhudzisa hezwi. Naa ndo no vhuya nda da kha inwi huno nda ni humbela tshelede? Naa ndo ni dzhiela tshiñwe tshithu? Naa ndo no ni disela tshiñwe tshithu fhedzi tswititi ARALO MA AMBA MURENA? Nahone Mudzimu a zwi khwañisedza, tshifhinga tshiñwe na tshiñwe, uri ndi Ngoho.” Huno A rumela mithathaba na mvula (Ni a divha Luñwalo, inwi, heneffo.) u sumbedza uri Samuele o vha a tshipida tsha mulomo wa Mudzimu.

¹⁰⁵ Huno vhunga Samuele o imelela lwo khunyelelaho, ḥamusni, Muya Mukhethwa. Muya Mukhethwa ndi tshipida tsha mulomo wa Mudzimu une wa amba kokotolo zwine Bivhili ya amba, une wa tenda zwine Bivhili yo amba, nahone a u nga fhambani Nayi, na luthihi.

¹⁰⁶ Fhedzi vho vha vha tshi khou ḥoda muthu ane a nga vha vhudza two fhambanaho. Huno vhathu vho vha nga si ri tshiporofito tsha Samuele tsho vha tshi so ngo khunyelela. Vha fhindula vha ri, “Samuele, zwe wa amba nga Dzina la Murena, Murena vho zwi vuledza nga ndila ye wa amba. A hu na tshilavhi na tshithihi. A u ngo vhuya wa da huno wa ri humbela tshelede yashu. Wo ditika iwe muñe. A u ngo vhuya wa ri humbela uri ri ite zwihulu, zwithu zwi mangadzaho ri tshi itela iwe. Wo fulufhela kha Mudzimu wau, nahone O u lamulela kha zwithu zwe. Huno maipfi othe ndi ngoho. Zwe wa amba nga Dzina la Murena zwe vha nga ndila ye wa amba. Fhedzi ri kha di ḥoda khosi.”

¹⁰⁷ Ni a kona u vhona vhuluṭa? Ni a kona u—u vhona hone—hone vhuṭali ha diabolo, hu ya kona u shuma kha muthu? Vhudzuloni ha u ḫigogodzedza ene wa tshinna kana wa tshisadzi kha Muya Mukhethwa, na u thetshelesa zwine ARALO MA AMBA MURENA a vha zwone, u itela vhutshilo vhukhethwa, vhuvha vhu so ngo tshikafhalaho, u itela vhutshilo ho fhambanaho, vhutshilo ho fhambanaho, lushaka lukhethwa, vhathu vha

tshilaho nga ndila i so ngo doweleyaho; vha nga namba vha tshimbilelana na shango, vha tshila sa shango, nahone vha ya kha tshiñwe tshivhidzo tshire tsha ri, “Izwo zwo luga zwoþhe, vha tou tshila nga u ralo nahone vha isa phanda.”

¹⁰⁸ Ni a kona u vhona uri ndi zwithu-dé? Vha ri, “A hu na zwithu zwo raloho sa phodzo. Oo, ndovhedzo ya Muya Mukhethwa yo vha mutheo wa tshivhidzo.” Nga mañwe maipfi, zwenezwo Mudzimu o dzhia vhanna, a bvisa Muya Mukhethwa kha Tshivhidzo, huno a tendela dinomineisheni i tshi Zwi fhaþa. Na luthihi, na luthihi. A hu na zwithu zwo raloho. Muya Mukhethwa, Ipfi la Ngoho, lo vha la u ni endedza u swika Yesu a tshi vhuya. Fhedzi ndi ndila ine zwo—zwo tshimbila ngayo.

¹⁰⁹ Saulo a dzhena kha maanda. A vha na vhahulu... A vha na vhatevheli vhahulu. Oo, a vha na zwîthavhane zwavhuði. A vha na vhaimbi. A vha na zwipileli, nahone a vha na mapfumo. Oo, a penya u fhira tshaka dzinwe dzoþhe. Huno a vha dzenisa kha demokirasi ye ya vha i kule na tshiñwe na tshiñwe tshe muñwe muthu a vhuya a pfa nga hatsho.

¹¹⁰ Huno hezwo ndi zwone kokotolo zwe dzidinomineisheni dzashu na zwivhidzo zwa ita ñamusi. Ri na zwifhaþo zwiñhulu zwa tshivhidzo shangoni. Ri na vhatu vha ambaraho zwa vhudi nga maanda shangoni. Ri na basari dla ñthesa dzine dzi nga bveledzwala.

¹¹¹ Vhunga Saulo o pfumbudza vhanna vhane vha kona u fara pfumo, nahone vho vha tshi kona u li shumisa na u li shumisa u swika dzitshaka dzi tshi vha ofha. Vho vha vhatu vho pfumbudzwaho, nahone vhoþhe. Fhedzi, liñwe ðuvha, ho swika tshifhinga tshe ha bvelela mukhaedu. Huno zwa takadza lushaka lwoþhe lwa Israele u swika hune vha ima, vha tshi tetemela zwiendani zwavho. Goliada o vha disela khaedu, “Arali Mudzimu wanu a ane na ri U zwone! Ni vho pfumbudzwaho zwavhukuma.” Huno a vha linga. Vha sa ðivhe zwine vha tea u ita. Avho a vhudi, zwipileli zwo swaledzelwaho zwo vha zwi sa koni u shuma. Mapfumo avho a sa koni u shuma. Ho vha hu na zwiñwe zwithu zwe vha vha sa athu u zwi pfa, na luthihi, zwo vha zwi tshi khou itea.

¹¹² Huno nga vhudziki hoþhe na thonifho mbuya, na khuliso na tshirunzi, na lufuno na vhuledzani ha Vhukriste, ndi amba hezwi. Ndo vhala, liñwe ðuvha, kha gurannda la Afurika, hune murwa washu wa Kisi, mukhaedu washu wa vhuevangeli, musi Muhamede a tshi mu linga, Billy Graham. A ri, “Arali Mudzimu wau a Mudzimu, kha ri Mu vhone a tshi fhodza vhalwadze sa zwe A amba uri U do ita.” Huno murwa wa Kisi, na mmbi yoþhe, vha fhumula nahone vha tutshela shango, vho kundiwa. Zwi a shonisa. Mudzimu washu ndi Mudzimu.

¹¹³ Ri na zwivhidzo zwashu zwa vhudi. Ri na vhaevangeli vhashu vha vhudi. Ri na vhaimbi vhashu vho no badelwa. Ri

na zwigwada zwa vhuimbeleli zwa khwiṇe; mapfumo mahulu a re hone shangoni. Ri na vhanna vha khwinresa, vhaṇwe vha na tshelede nnzhi. Ri na vha ndivho. Ri na thiolodzhi vhuimoni; ri a kona u zwi funza; ri a kona u zwi amba. Ri a kona u evangela nahone ra dzhenisa vhathe, nahone ra ita dzimilioni ḥwaha muṇwe na muṇwe, dza vha shandukwa, ngomu tshivhidzoni. [A hu na tshithu kha theiphi—Mudz.] Vhaiimbi vhashu vho no badelwa, vhuevangelu hashu ha muhumbulo, a vhu divhi u ḥangana na mulingo wo raloho. A vha divhi tshithu ngazwo. A vha divhi tshithu nga maanda Awe a phodzo, a ndovhedzo ya Muya Mukhethwa, a Maanda ane a kona u dzhia murunzi wa muthu ane a khou fa nga pfuko, huno a mu vhofholola. A vha divhi tshithu ngazwo. A vha ngo gudiswa kha iļo buđo, vhunga Saulo na tshigwada tshawe tsho itwaho nga muthu.

¹¹⁴ Fhedzi i ri ni ndi ambe na vhathe vha Mudzimu, na vhoiṇwi vhana, uri ni zwi ḥivhe uri Mudzimu ho ngo ni sia ni si na ḥanzi.

¹¹⁵ Zwi sa ḥivhiwi, kha Saulo, Saulo o vha a sa divhi tshithu ngazwo. Fhedzi Mudzimu o vha a na Davita muṭuku murahu ngei tshikwarani, we a vha a sa khou ita uri nngu dzi kanzwe kha tshene dza vhuhuweleli. O vha a tshi dzi isa kha madi a rotholaho na pfulo. O vha a na ndavha na nngu dza khotsi awe. Huno arali tshiṇwe tshithu tsha dzhena ngomu, swina, li tshi ḥoda u gavha iṇwe ya nngu dza khotsi awe, o vha a tshi ḥivha Maanda a Mudzimu a u lamulela iyo nngu.

¹¹⁶ Mudzimu u kha di vha na Davita, huṇwe fhethu, ane a ḥivha uri zwi amba mini u lamulela iṇwe ya nngu dza Mudzimu, nga Maanda a Mudzimu. U kha di ḥivha zweṭhe malugana nazwo.

¹¹⁷ O fulufhela. O vha a sa divhi tshithu nga zwipileli zwa Saulo, na u zwi ḥoda ho ngo zwi ḥoda. Ho ngo ḥoda dinomineisheni yavho na nthihi. Ho ngo ḥoda zwipileli zwa kale zwi tshi vha khae. O ri, “A thi ḥivhi tshithu ngazwo. Fhedzi i ri ni ndi ye nga Maanda ane nda a ḥivha.” O kanzwa nngu dza khotsi awe. O londota pfulo. O dzi ḥeya lushaka lwone lwa zwiliwa, nahone dza tshila nahone dza aluwa.

¹¹⁸ “Muthu ha nga tshili nga vhurotho fhedzi. Fhedzi nga Ipfi liṇwe na liṇwe li bvaho mulomoni wa Mudzimu, muthu u do ralo u tshila.” Mulisa wa vhukuma u a dzi kanzwa. “Yesu Kristo ha shanduki mulovha, namusi, na lini na lini.” Huno arali swina la gavha muṇwe, nga vhulwadze, u ya ḥivha Maanda a Mudzimu.

¹¹⁹ Lavhelesani kha Davita muṭuku, a ima heneffho. A ri, “Ula muthannga ndi mukundi, u bva mabeboni awe. Na u bva vhuswani hawe, a hu na tshe a ḥivha fhedzi pfumo na tshipileli. O pfumbudzwa zwa vhuđi. Ndi rathiolodzhi. Huno a ni ḥivhi tshithu ngazwo.”

¹²⁰ A ri, “Izwo ndi ngoho, mune wanga. A thi ḥivhi tshithu nga u pfumbudzwa hawe ha thiolodzhi. Fhedzi hu na tshithu tshithihi tshine nda tshi ḥivha, uri, musi swina li tshi da, u

dzhia inwe ya nngu dza khotsi anga, ndi ya nga Maanda a Mudzimu. Ndi a i lamulela. Ndi i vhuisa murahu hafhu kha mutakalo wa vhudi yo tsireledzeya. Ndi i vhuisa murahu kha pfulo yo dalafhalaho na mađi a rotholaho. Huno Mudzimu we a kumedza ndau zwandani zwanga, nahone nda i vhulaya musi yo dzhia iñwe ya—ya ngwana, nahone O ntendela nda vhulaya tshivhingwi, ngauralo Mudzimu wa Tađulu u ðo ɬuwa na nñe u vhulaya Mufilista a so ngo rubaho.”

Ri tðoda vhurangaphanda ha Muya Mukhethwa. A thi ðivhi mađuvha anga; a hu na a raloho.

¹²¹ Maiwe matsheloni ndo vha ndo edela kha mmbete wanga. Huno ndo vha ndi... ndo vha ndo edela, huno nda lora Yosefa a tshi khou lwala, huno nda mu takula uri ndi mu rabelele. Huno musi ndi tshi vuwa, ndo vha ndo sinyuwa. Nda ri, “Zwo luga, khañwe Yosefa u khou ya u lwala.”

¹²² Huno nda lavhelesa, hu tshi khou tshimbila phanda hanga, kha muđuku, murunzi mutswu, khañwe wa muvhala wa buraweni. Huno zwi vhonala unga ho vha hu nñe. Huno nda u lavhelesa. Huno murahu hawo ho vha hu tshi khou tevhela Muñwe muthu mutshena, huno ho vha hu Ene. Nda lavhelesa kha mufumakadzi wanga, u vhona arali o vha o karuwa, uri ndi mu sumbedze, u ya kona u vhona bono. Fhedzi o vha o edela.

¹²³ Nda ri, “Oo, mpfarele, Murena. Fhedzi, hezwo zwo vha vhutshilo hanga. Wo tea u tou ntshimbida kha zwoðhe zwe nda ita. Tshifhinga tshoðhe tshiñwe tshithu tshi tshi itea, ndo vha ndi tshi elekanya uri ndi Iwe wo no khou tshi ita. Huno nda limuwa uri ndi Sañhane u khou lingedza u nthivha khazwo.” Nda ri, “Arali Wa nga tou nthanga phanda.” Huno musi ndi tshi lavhelesa, nda vhona tshifhañwo tsha u naka tshe nda vhuya nda tshi vhona kha muthu. O vha o ima phanda hanga, a tshi khou lavhelesa murahu. A takula tshanda Tshawe a fara tshanga, huno ra thoma u tshimbila nge *heyi* ndila. Bono la ntutshela. Matsheloni a Swondaha yo fhiraho, ndo vha ndo ralo, ndo vuwa u ɬavhanya. Izwo ho vha hu nga Mugivhela, heli bono. Kha... .

¹²⁴ Ndo vha ndi tshi dzulela u whilahela, ndo vha ndi tshi dzulela u elekanya nga u fa. Zwo, nñe sa izwi ndi na futhanu, ndi, tshifhinga tshanga a tshi... a tho ngo elekanya uri tshi do lapfa. Huno ndo ðivhudzisa uri ndi ðo vha ndi hani kha muvhili wa tshimuya, muvhili wa tshimuya. “Zwi do ralo uri ndi ðo vhona khonani dzanga dza vhudi nahone, nda ri, khuli ɬukhu i tshi khou fhira, huno nda ri, ‘Khoyo Mukomana Neville,’ kana, ha nga koni u ri, ‘Hurini, Mukomana Branham?’ Huno musi Yesu a tshi vhuya, zwenezwo ndi ðo kona u vha muthu hafhu.” Kanzhi ndo vha ndi tshi elekanya hezwo.

¹²⁵ Ndo vha ndi tshi khou lora ndi Vhukovhela. Ndo vha ndi tshi khou fhira fhethu ha zwimela zwitšku, nahone mufumakadzi

wanga o vha a na nñe, huno ro vha ri tshi khou reya khovhe. Huno nda ima nahone nda—nda vula gethe. Huno lutombo lwo vha lwo naka nga maanda. Lwo vha lu sa vthonali sa zwine lwa vha zwone muedzini hafha. Lwo vha lu buluu, na makole a vhudi matshena. Huno nda ri kha mufumakadzi wanga, nda ri, “Ro vha ro fanela ri nnnda hafha, kale, mufunwa.” A ri, “U itela vhana, ngavhe ro ralo, Billy.” Nda ri, “Hezwo ndi . . .” Huno nda karuwa.

¹²⁶ Nda elekanya, “Ndi khou lora nga maanda! Ndi a divhudzisa uri ngani?” Huno nda lavhelesa fhasi, huno o vha o edela tsini hanga.

¹²⁷ Huno nda vuwa kha musemelo wanga, sa zwine vhunzhi ha vhoinwi vhathe no no zwi ita, nda vheya thoho yanga kha—kha thoho ya mmbete, nahone nda vheya zwanda zwanga murahu hanga. Huno ndo vha ndo edela heneffo sa *hezwi*. Huno nda ri, “Zwo luga, ndi a divhudzisa uri zwi do vha mini, kha liñwe sia. Ndo no swikisa futhanu, huno a thi athu u ita tshithu. Arali ndi tshi nga tou ita tshinwe tshithu u itela u thusa Murena, ngauri ndi a zwi divha a thi nga vhi wa u fa. Hafu ya tshifhinga tshanga yo fhela, u ya nga u ralo, kana u fhira hafu. Arali nda tshilela u kalaha sa vhathe vhanga, zwo diralo hafu ya tshifhinga tshanga yo fhela.” Huno nda lavhelesa u mona. Huno ndo vha ndo edela heneffo, ndi tshi khou lugela u vuwa. Ho vha hu u yela kha iri ya vhusumbe ntha ha tshithoma. Nda ri, “Ndi a tenda ndi do tsela tshivhidzoni, ano matsheloni. Arali ipfi li sa bvi zwavhuđi, ndi do takalela u pfa Mukomana Neville a tshi rera.”

¹²⁸ Zwo ralo nda ri, “Naa wo karuwa, mufunwa?” Huno o vha o edela zwa vhudi.

¹²⁹ Huno a thi todii ni tshi fhirwa nga hezwi. Zwo ntshandukisa. Ndi nga si vhe Mukomana Branham a fanaho na zwe nda vha ndi ene.

¹³⁰ Huno nda lavhelesa. Huno nda pfa Tshinwe tshithu, tshi tshi khou dzulela u ri, “U kha di tou thoma. Isa phanda na nndwa. Itau kondelela u ya phanda.”

¹³¹ Nda dzinginyisa thoho yanga lwa miniti. Nda elekanya, “Zwo luga, ndi khou tou elekanya sa hezwi.” Ni a divha, muthu a nga vha na ngelekanyo. Huno nda ri, “Ndo tou elekanya hezwo.”

Tsha ri, “Isa phanda na nndwa. Isa phanda na u tshimbila. Isa phanda na u tshimbila.”

¹³² Nda ri, “Khanwe ndo zwi amba.” Huno nda mumu mulomo, nahone nda thivha mulomo nga tshanda tshanga.

¹³³ Huno Tsha dovha hafhu, tsha ri, “Itau isa phanda. Arali u tshi divha fhedzi zwi re magumoni a ndila!”

¹³⁴ Hanga ndo vha ndi tshi kona u pfa Graham Snelling, kana muñwe muthu, we a imba luya luimbo sa hezwi. Vha luimba fhano, Anna Mae na vhoinwi nothe.

Ndo t̄ulutshelwa hayani huno ndo lavhelela,
nahone ndi khou t̄oda u vhona Yesu.
Ndi takalela u pfa dzila d̄ilogoz dza vhuđi dza
khuthadzo dzi tshi lila.
Dzi do penyisa ndila yanga nahone dzi do
fhedza nyofho dzothe.
Murena, ntendele ndi lavhelese seli ha
xarađeni la tshifhinga.

No no lu pfa lu tshi imbiwa fhano tshivhidzoni.

¹³⁵ Huno nda pfa Tshiñwe tshithu tshi tshi ri, “Naa u ya takalela
u vhona seli ha xarađeni?”

Nda ri, “Zwi do nthusa nga maanda.”

¹³⁶ Huno nda lavhelesa. Nga tshihadu, nda... Mufemo muthihi
ndo vha ndo no swika huñwe Fhethu ho pehamaho. Nda
lavhelesa murahu, huno ndo vha ndi heneffho, ndo edela
kha mmbete. Huno nda ri, “Hezwi ndi zwithu zwi so ngo
doweleyaho.”

¹³⁷ Zwino, ndi nga si t̄ode vhoiñwi ni tshi dovholola hezwi.
Hezwi zwi phanda ha tshivhidzo tshanga, kana nngu dzanga
dzine nda khou dzi funza. Kana zwo vha zwo ralo, ndo vha
ndi ngomu ha uyu muvhili kana ndi nn̄da, kana ho vha hu
tshandukiso, zwo vha zwi sa fani na bono na lithihi line ndo no
vhuya nda vha nalo. Ndo vha ndi tshi kona u lavhelesa Heneffho,
nahone no vha ndi tshi kona u lavhelesa fhano.

¹³⁸ Huno musi ndi tshi swika afho Fhethu huñuku, a thi athu u
vhona vhathu vhanzhi nga u ralo vha tshi da vha tshi gidima, vha
tshi huwelela, “Oo, murathu washu wa vhuđi!”

¹³⁹ Huno nda lavhelesa. Huno vhasadzi vhañku, khañwe kha
minwaha yavho ya vho fumbili, fumimalo u ya kha fumbili, vho
vha vha tshi khou nkuvhatedza, nahone vha tshi khou huwelela,
“Murathu washu wa vhuđi!”

¹⁴⁰ Ha bvelela vhanna vhaswa, kha u penya ha vhuswa.
Huno mađo avho a tshi khou penya nahone a tshi vhonala vhunga
naledzi nga vhusiku ha swiswi. Mađo avho o tshena sa vhulungu.
Huno vho vha vha tshi khou huwelela, nahone vha tshi khou
nkokodza, na u huwelela, “Oo, murathu washu wa vhuđi!”

¹⁴¹ Huno nda ima, nahone nda lavhelesa. Huno ndo vha ndi
muswa. Nda lavhelesa murahu kha muvhili wanga wa kale wo
edela heneffho, na zwanda zwanga kha tshitiko tshanga. Huno
nda ri, “Izwi a thi zwi pfeſesi.”

¹⁴² Huno havha vhasadzi vhaswa vha tshi khou nkuvhatedza.
Zwino, ndi a zwi limuwa uri havha ndi vhathetshelesi vho
t̄angananaho, nahone ndi amba hezwi zwa vhuđi na nga nyelelo
ya Muya. Vhanna ni nga si kuvhatedze vhasadzi hu si na zwipfi
zwa muthu; fhedzi zwo vha zwi si ho Hafho. Ho vha hu si na
mulovha kana matshelo. Vho vha vha sa neti. Vho vha vho

ralo... A thi athu u vhona vhasadzi vha u naka nga u ralo vhutshiloni hanga ho^{the}. Vho vha vha na mavhudzi malapfu o elaho na mu^{tana}; zwikete zwilapfu u tsa na milenzhe yavho. Huno vho vha vha tshi khou nkuvhatedza. Ho vha hu si u kuvhatedza u fana na ha khaladzi anga, o dzulaho afho, a nga nkuvhatedza. Vho vha vha sa khou mmama, nahone ndo vha ndi sa khou vha mama. Ho vha hu zwi^{nwe} zwithu zwine a—a thi na one—one maipfi, a thi na maipfi a u amba. “U khunyelela” a li zwi swikeleli. “Zwavhu^{dī} na u fhiris” a li koni u zwi swikelela, na luthihi. Ho vha hu zwi^{nwe} zwithu zwine a thi athu... Ni tou tea u swika Henefho.

¹⁴³ Huno nda lavhelesa kha *heyi* ndila, na *ila* ndila. Huno vho vha vha tshi khou da, nga zwigidi. Huno nda ri, “Izwi a thi zwi pfesesi.” Nda ri, “Zwo luga, vha...”

¹⁴⁴ Huno ha bvelela Hope. Uyo o vha a mufumakadzi wanga wa u thoma. A gidima, nahone ho ngo vhuya a ri, “Munna wanga.” O ri, “Khaladzi anga wa vhudi,” huno musi a tshi nkuvhatedza. Ho vha hu na mu^{nwe} musadzi o ima heneffo, we a nkuvhatedza, huno-ha Hope a kuvhatedza hoyu musadzi; mu^{nwe} a ralo mu^{nwe}. Huno nda elekanya, “Oo, hezwi zwi tea u vha zwi^{nwe} zwithu zwo fhambanaho. Zwi nga si vhe... Hu na tshi^{nwe} tshithu...” Nda elekanya, “Oo, naa ndi kha di ya u tama u humela murahu kha tshi^{la} tshitumbu tsha kale?”

¹⁴⁵ Huno nda lavhelesa u mona. Nda elekanya, “Ndi mini izwi?” Huno nda lavhelesa, zwa vhudi. Huno nda—nda ri, “A—a thi pfesesi izwi.” Fhedzi hu nga Hope o vha a tshi ralo vhunga, oo, mueni a thonifheyaho. O vha a so ngo fhambana, fhedzi a tshi nga mueni a thonifheyaho.

¹⁴⁶ Huno-ha nda pfa Ipfi na zwenezwo le la amba na nne, le la vha li lufherani, la ri, “Hezwi zwe wa rera ho vha hu Muya Mukhe^{hw}a. Holu ndi Lufuno lwo khunyelelaho. Huno a hu na tshire tsha do dzhena Hafha tshi si Nalwo.”

¹⁴⁷ Ndo divhudza, u fhira zwe nda vhuya nda ralo vhutshiloni hanga, uri zwi dzhia Lufuno lwo khunyelelaho, u dzhena Heneffo. Ho vha hu si na vivho. Ho vha hu si na u neta. Ho vha hu si na lufu. Vhulwadze vhu nga si vhuye ha ralo, ngomu Hafho. U fa; hu—hu nga si vhuye ha ni alusa. Huno hone... Vho vha vha sa koni u lila. Lo vha li tshi tou vha dakalo lithihi fhedzi.

¹⁴⁸ “Oo, murathu wanga wa vhudi!” Huno vha nnyisa nt̄ha, huno vha ndzudza nt̄ha fhetu hu lapfu.

¹⁴⁹ Nda elekanya, “A thi khou lora. Ndi khou lavhelesa murahu kha wanga—muvhili wanga wo edela fhasi hafha kha mmbete.”

¹⁵⁰ Huno vha ndzudza nt̄ha heneffo. Huno nda ri, “Oo, a thi tei u dzula nt̄ha hafha.”

¹⁵¹ Huno ha bvelela vhasadzi na vhanna, u bva thungo dzo^{the}, kha u penya vhuswani havho, vha tshi khou huwelela. Huno

muńwe musadzi o vha o ima heneffo, huno a huwelela, “Oo, khaladzi anga wa vhudi! Oo, ro takala nga maanda u u vhona Fhano.”

Nda ri, “Izwi a thi zwi pfesesi.”

¹⁵² Huno liya Ipfi line la khou amba, nga n̄tha hanga, la ri, “U ya divha, zwo nwaliwa kha Bivhili uri vhaporofita vho kuvhanganywa na vhatu vhavho.”

Huno nda ri, “Ee. Izwo ndi a zwi limuwa kha Mańwalo.”

La ri, “Zwo luga, hezwi ndi hone u tshi do kuvhanganywa na vhatu vhau.”

Nda ri, “Zwenezwo vha do vha vha vhavhukuma, nahone ndi tshi kona u vha pfa.”

“Oo, ee.”

¹⁵³ Nda ri, “Fhedzi, hu na vha milioni. A hu na vha ha Branham vhanzhi nga u ralo.”

¹⁵⁴ Huno Ipfi la ri, “A si vha ha Branham. Havho ndi vhashandukwa vhau. Ndi vhone vhe wa vha isa kha Murena.” Huno la ri, “Vhanwe vha avho vhasadzi afho, vhane wa elekanya uri vho naka nga maanda, vho vha vha tshi fhirisa mińwaha ya fujahe musi u tshi vha isa kha Murena. Ngazwo vha tshi khou huwelela, ‘Khaladzi ashu wa vhudi!’”

¹⁵⁵ Huno vha huwelela, vhothe nga khathihi, vha ri, “Arali u so ngo ya, ndi musi ri si Fhano.”

Nda lavhelesa u mona. Nda elekanya, “Zwo luga, a thi zwi pfesesi.”

Nda ri, “Oo, Yesu u gai? Ndi khou ḥoda u Mu vhona, nga maanda.”

¹⁵⁶ Vha ri, “Zwino, U ntshanyana, n̄tha kha *heyo* ndila.” Vha ri, “Lińwe ḥuvha U do da kha iwe. Ni a vhona?” Vha ri, “Wo rumiwa, u vha murangaphanda. Huno Mudzimu u do vhuya. Huno musi A tshi ralo, U do u hatula a tshi tevhedza zwe wa vha funza, tsha u ranga, kana vha a dzhena kana hai. Ri do dzhena u ya nga pfunzo yau.”

¹⁵⁷ Nda ri, “Oo, ndo takala nga maanda. Naa Paulo, u do tea u ima sa izwi? Naa Petro u do tea u ima sa izwi?”

“Ee.”

¹⁵⁸ Nda ri, “Zwenezwo-ha ndo rera Ipfi linwe na linwe le vha rera. A tho ngo vhuya nda bva KHALO, thungo na thungo. He vha lovhedza nga Dzina la Yesu Kristo, ndo ralo-vho. He vha funza ndovhedzo ya Muya Mukhethwa, ndo ralo-vho. Tshini na tshini tshe vha funza, ndo ralo-vho.”

¹⁵⁹ Huno-ha vhatu vha huwelela, huno vha ri, “Izwo ri a zwi divha. Huno ri a zwi divha uri ri khou ḥuwa na iwe, linwe ḥuvha, murahu kha lifhasi.” Vha ri, “Yesu u do vhuya, nahone u do

haṭulwa hu tshi tevhedzwa Ipfi ḥe wa ri funza. Huno-ha arali nga itsho tshifhinga wa ṭanganedzwa, zwine u ḥo ralo,” huno vha ri, “zwenezwo u ḥo ri ḥetshedza Khae, sa zwiphuga zwau zwa vhushumeli hau.” Vha ri, “U ḥo ri endedzela Khae, huno, roṭhe, ri ḥo humela kha liphasi, u tshila tshoṭhe.”

Nda ri, “Ndi khou tea u humela murahu zwino?”

“Ee. Fhedzi issa phanda u tshi kondelela.”

¹⁶⁰ Nda lavhelesa. Huno ndo vha ndi tshi kona u vhona vhathu, na kule hune nda kona u vhona, vha tshi kha ḥi da, vha tshi khou ḥoda u nkuyhatedza, vha tshi khou huwelela, “Murathu washu wa vhudi!”

¹⁶¹ Zwenezwo Ipfi la ri, “Vhoṭhe vhe wa vhuya wa vha funa, na vhoṭhe vhe vha vhuya vha u funa, Mudzimu o u neya Fhano.” Huno nda lavhelesa. Huno ha bvelela mmbwa yanga ya kale, ya da i tshi tshimbila. Ha bvelela bere yanga, huno ya gogodedza ḥohoh yayo kha hada ḥanga, nahone ya fema. Lo ri, “Vhoṭhe we wa vhuya wa vha funa, na vhoṭhe vhe vha u funa, Mudzimu o vha ḥetshedza tshandani tshau, nga vhushumeli hau.”

Huno nda ḫipfa ndi tshi khou pfuluwa afho Fhethu havhudzi.

¹⁶² Huno nda lavhelesa u mona. Nda ri, “Naa wo karuwa, mufunwa?” O vha a tshi kha ḥi vha o edela.

¹⁶³ Huno nda elekanya, “O Mudzimu! Oo, nthuse, O Mudzimu. U so ngo vhuya wa ntendela ndi tshi ḥungunudza Ipfi na lithihi. Ntendele ndi dzule kokotolo kha ilo Ipfi, nahone ndi Li rere. A thi na ndavha na zwine zwa da kana zwine zwa ḥuwa, zwine muṇwe muthu a ita; uri hu na Vhosaulo vhangana vha . . . vharwa vha Kisi vha takuwaho, uri hu na hezwi zwingana, izwo, kana zwinwe. Ntendele, Murena, ndi kondelele u ya phanda afho Fhethu.” Nyofho dzoṭhe dza lufu . . .

¹⁶⁴ Ndi amba hezwi, na Bivhili yanga phanda hanga, ano matsheloni. Ndi na mutukana muṭuku hafho, wa miṇwaha miṇa, ane a tea u aluswa. Ndi na musidzana wa miṇwaha ya tahe; na wa thangana murole, vhane ndi livhuwa ngavho, hezwo zwe shandukisa ndila ya Murena. Mudzimu, ntendele ndi tshile, uri ndi vha aluse kha ngeletshedzo ya Mudzimu.

¹⁶⁵ Huno n̄ha ha izwo, shango ḥoṭhe li vhonala li tshinga li khou huwelela kha nne, vhasadzi na vhanna vha miṇwaha ya ḫuṭahe, na vhoṭhe vho fhambanaho. “Arali u so ngo ya, ndi musi ri si ho Fhano.”

¹⁶⁶ Huno, Mudzimu, ntendele ndi ise phanda na nndwa. Fhedzi arali zwa swika kha u fa, a tho ngo ḥungufhala. Zwi ḥo vha dakalo, zwi ḥo vha zwe teaho, u dzhena, u bva kha uyu u sinaho nahone u shonisaho.

¹⁶⁷ Arali ndi tshi nga ita, n̄ha ngei, maela dza bilioni dza dana u gonya, dza bułoko, huno ulwo Lufuno Iwo khunyelelaho; ḥiga linwe na linwe kha heyi ndila, i ya sekena, u swika ri tshi swika

fhasi hune ra vha hone zwino. Hu do tou vha murunzi wa u sina, itsho tshithu tshītuku tshine ra kona u tshī thetshelesa na u tshī pfa uri hu na tshīnwe tshithu hūwe fhethu. A ri dīvhi uri ndi Tshithu-de.

¹⁶⁸ Oo, khonani dzanga dza vhūdi, vhafunwa vhanga, vhafunwa vhanga vha Mafhundo mađifha, vhana vhe nda bebela kha Mudzimu, nthetsheleseni, vhoiñwi vhafunzi. Vhoiñwi, ndi tama arali ho vha hu na iñwe ndila ine ndi nga ni ɏalutshedza zwone. A hu na maipfi; a thi koni u a wana; ha wanali fhethu. Fhedzi seli ha uyu mufemo wa u fhedza, ndi tshīnwe tshithu tsha vhugala vhuhulu tshine no no . . . A hu na ndila ya u zwi ɏalutshedza. A hu na ndila. Ndi tou vha ndi sa koni u zwi ita. Fhedzi tshini na tshini tshire na ita, khonani, vhetshelani kule zwiñwe zwithu zweithe u swika ni tshī wana Lufuno lwo khunyelelaho. Swikani fhethu hune na kona u funa muthu muñwe na muñwe, swina liñwe na liñwe, zwiñwe zwithu zweithe.

¹⁶⁹ Uho u dala huthihi Afho, kha nñe, ho nnyita muthu o fhambanaho. Ndi nga si tsha dovha, na luthihi, na luthihi nda vha Mukomana Branham a fanaho. Kana mbanđe dzi khou dzinginyea, kana phenyo dzi khou penya; kana ɏholi yo livhisa tshigidi kha nñe. Tshī nga vha tshini kana tshini, a zwi na ndavha. Ndi khou ya u isa phanda na nndawa, nga tshilidzi tsha Mudzimu. Ngauri, ndo rera Mafhundo mađifha kha tshivhumbwa tshīnwe na tshīnwe na muthu muñwe na muñwe we nda kona u ralo, ndi tshī vha kombetshedzela kha ilo Shango la vhūdi ngei nñha.

¹⁷⁰ Zwi nga vhonala zwi tshī kond̄a. Zwi nga dzhia nungo nnzhi. A thi dīvhi uri u swika lini. A ri dīvhi, ri tshī amba lwa ñama. Yone . . . U bva kha mulingo wanga liñwe duvha, o ri, "U na miñwaha ya fumbili-ñthanu ya vhukond̄i, vhutshilo ha vhūdi. Wo oma." Izwo zwo nthusa. Fhedzi, oo, zwo vha zwi si hezwo. A si hezwo. Ndi tshīnwe tshithu ngomu hafha. Hezwi zwi no sina zwi tea u ambara zwi sa sini. Hezwi zwi faho zwi tea u ambara zwi sa fi.

¹⁷¹ Vharwa vha Kisi vha nga vuwa. Ndi . . . Zwithu zweithe zwivhuya zwine vha ita, a thi na zwivhi zwine nda amba ndi tshī lwa nazwo, u neya zwishai na lufuno. Huno elelwani, ngani, Samuele o vhudza Saulo, "Na iwe u do porofita." Huno vhunzhi ha havho vhanna ndi vhahulu, vhareri vha maanda, vha a kona u rera Ipfi sa vharuñwa. Fhedzi naho zwo ralo a si lufuno lwa Mudzimu. Mudzimu o vha o tea u vha khosi yavho. Murathu, khaladzi, tendelani Muya Mukhethwa u ni range phanda.

Kha ri kotamise ɏhoho dzashu lwa tshikhalkanyana.

Ndo ɏulutshelwa hayani na u lavhelela, nahone
ndi khou ɏoda u vhona Yesu,
Ndi takalela u pfa idzo dīlogo dza vhūdi dzi
tshī lila;

Dzi do penyisa ndila yanga nahone dza fhedza nyofho dzothe;
 Murena, ri tendele ri lavhelese seli ha xarađeni la tshifhinga.

Murena, ri tendele ri lavhelese seli ha xarađeni la matungu na nyofho,
 Ntendele ndi vhone uyo mutsho u penyelelaho wa duvha;
 Zwi do khwathisa lutendo lwashu nahone zwa fhedza nyofho dzothe;
 Murena, vha tendele vha lavhelese seli ha xarađeni la tshifhinga.

¹⁷² Ndi na vhutanzi, Murena, arali itshi tshivhidzo tshițuku, ano matsheloni, tsha nga tou lavhelesa seli ha xarađeni! Hu si na matħupho vhukati havho; hu nga si vhuye ha vha na two raloho. Hu si na vhulwadze; hu si na tshithu fhedzi u khunyelela. Huno Zwi tou vha mufemo muthihi vhukati ha fhano na Ngei, u bva kha u aluwa u ya kha vhuswa, u bva kha tshifhinga u ya kha Lini na lini; u bva kha maneto a matshelo, na maṭungu a mulovha, u swika tshifhinga tsha zwino tsha Lini na lini ngei u khunyelelani.

¹⁷³ Ndi a rabela, Mudzimu, uri U fhaṭutshedze muthu muñwe na muñwe hafha, arali hu na avho fhano, Murena, vha sa U ɖivhi kha ndila ya Lufuno. Huno ngoho, Khotsi, a hu na tshithu tshire tsha nga dzhena afho Fhethu hukhethwa tshi si na ulwo lushaka lwa Lufuno, Mabebo maswa, u bebwa hafhu. Muya Mukhethwa, Mudzimu, ndi Lufuno, nahone ri a zwi ɖivha uri izwo ndi ngoho. Hu si na ndavha naho ra sudzulusa dzithavha nga lutendo lwashu, arali ra ita zwithu zwihulu, naho two ralo, hu si na Izwo ngei, ri nga si vhuye ra gonya ila leri khulwane ngei. Fhedzi ri na Izwo, I do ri takusela seli ha zwithu zwa ʃifhasi. Ndi a rabela, Khotsi, uri U fhaṭutshedze vhathu hafha.

¹⁷⁴ Huno ngavhe, izwo, muthu muñwe na muñwe o mpfaho, ano matsheloni, a ambe iyi Ngoho, uri Iwe u vhe ʈhanzi yanga, Murena, vhunga Samuele wa kale; “Naa ndo no vha vhudza tshiñwe tshithu Dzinani L̄au fhedzi tshi re ngoho?” Vha tou vha vhahaṭuli. Huno ndi a vha vhudza zwino, Murena, uri Wo nnyisa kha ilo Shango. Huno Iwe u ya zwi ɖivha uri ndi ngoho.

¹⁷⁵ Huno zwino, Khotsi, arali hu na vhañwe vha sa U ɖivhi, ngavhe iyi i tshi vha awara ine vha ri, “Murena, vheya ngomu hanga lufuno uri lu vhe lufuno Lwau.” Zwi tendele, Khotsi.

¹⁷⁶ Huno zwino, vhoiñwi, thoho dzanu dzo kotamiswa, naa ni do ralo u imisa zwanda zwañu, na ri, “Nthabelele, Mukomana Branham; lufuno lwa Mudzimu ngomu hanga.”

¹⁷⁷ Zwino musi ni henefho hune na vha hone, zwa vhuđi, ngani ni sa ambi na Khotsi, “Mudzimu, ngomu mbiluni yanga, ɻamusi, ni landula zwithu zweithe zwa shango. Ndi landula zweithe, uri

ndi fune Iwe na u shumela Iwe, vhutshilo hanga hothe. Huno ndi do ralo, u bva kha lino duvha, u ya phanda, u tevhela Iwe, kha Luñwalo luñwe na luñwe lwa Bivhili Yau”? Arali ni sa athu u lovhedzwa nga ndovhedzo ya Tshikriste, “Ndi do ralo, Murena.”

¹⁷⁸ “Arali ndi sa athu u tanganedza Muya Mukhethwa . . .” Ni do divha musi ni tshi U tanganedza. U do ni neya, U do ni neya fulufhelo na Lufuno lune na ḥoda. Oo, ni nga vha no ita zwo fhambanaho, no vha na zwipfi, khanwe ni nga vha no huwelela kana u amba nga dzindimi, zwine zwo luga. Fhedzi arali ulwo Lufuno Lukhethwa lu siho hafho, ntendeni zwino, ni ri, “Murena, vheya ngomu mbiluni yanga, na tuyani wanga, u swikelela ha Muya Wau, uri ndi kone u funa, na u ḥonifha, na u vha na ulwo Lufuno Lukhethwa mbiluni yanga, namusi, izwo zwi do nnyisa kha ilo Shango musi mufemo wa u fhedza u tshi ntutshela,” musi ri tshi rabela. Ni rabele, inwi muñe, zwino. Nga ndila yanu, ni rabele, humbelani Mudzimu uri a ni itele izwo.

¹⁷⁹ Ndi a ni funa. Ndi a ni funa. Vhoinwi vhanna vha vhudi vha ḥoho tshena no dzulaho hafha, no shumaho nga maanda na kanzwa vhana vhaṭuku! Vhoinwi ni ḥungufhadzaho, vhomm vha kale no kondelalaho miłodzi małoni avho! I ri ni ndi ni fulufhelize hezwi, khaladzi, mufunwa, a zwo ngo ralo ngei seli kha liñwe sia la mufemo. Ndi a tenda uri Ndi henefha lufherani. Hu tou vha fhethu hune ra tshila hone. Uhu ndi u sina hune ra tshila khaho zwino.

¹⁸⁰ “Fhedzi funa kha nne, Murena, lufuno Lwau lu ralo.” Rabelani, musi ri tshi rabela rothe.

¹⁸¹ Nga vhudziki, Murena, kha mutheo wa Ipfi Lau na Muya Mukhethwa Wau, ro takala nga maanda nga u divha uri mabebo ashu a bva gai. Ro takala ngauri ro ralo u “bebwa hu si nga lufuno lwa muthu, kana nga lufuno lwa ḥama, fhedzi nga lufuno lwa Mudzimu.”

¹⁸² Huno ri a rabela, namusi, Khotsi, uri havha vhane zwino vha khou humbela tshilidzi tsha khangwelo, uri Muya Wau u ite uła mushumo, Murena. A hu na ndila ine ndi nga zwi ita; ndi tou vha muthu, muñwe murwa wa Kisi. Fhedzi ri khou ḥoda Iwe, Muya Mukhethwa.

¹⁸³ Mudzimu, ntendele ndi vhe Samuele, uyo ane a amba Ngoho ya Ipfi. Huno Wo Li sumbedzisa, u swika zwino, nahone ndi a tenda uri U do isa phanda, tenda fhedzi nda dzula ndi wa ngoho kha Iwe.

¹⁸⁴ Ngavhe vhothe zwino vha tshi tanganedza Vhutshilo Vhu Sa Fhedzi, Khotsi. Ngavhe ili duvha li sa ḥawi khavho. Nga awara ine vha swika kha u ḥutshela lino shango, ngavhe izwi, zwe nda amba khavho, zwi tshi vuletshela kha zwavhukuma. Huno musi ro dzula hafha, ri vha faho, namusi, ri tshi lavhelesa kha watshi yashu, ri tshi khou elekanya nga tshilalelo tshashu, ya mushumo wa matshelo, ya ndavha na thambulo dza vhutshilo, a zwi nga

vhi hone Zwenezwo. Zwothe zwi do fhela. Hu do vha hu si na u londota; nahone dakalo lithihi la u ya nga Hu Sa Pheli. Vha neye ulwo lushaka lwa Vhutshilo, Khotsi, muñwe na muñwe. Huno ngavhe... .

¹⁸⁵ Ndi a U humbela izwi, Khotsi, uri muthu muñwe na muñwe ane a vha fhano ano matsheloni, we a mpfa ndi tshi amba ili bono, ngavhe ndi tshi ḥangana na muñwe na muñwe wawho kha liñwe sia; naho hu tshi nga vha na vhañwe vhanna hafha vhane vha sa do tendelana na nñe, na vhasadzi, navho-vho. Fhedzi, Khotsi, u so ngo tendela izwo zwi tshi ima ndilani yashu. Ngavhe ri tshi ḥangana navho Ngei, huno vha gidima, navho-vho, nahone ra gavhana, ri tshi huwelela, "Murathu washu wa vhudi." Zwi litshe zwi vhe nga ndila ye zwa sumbedzwa Afho, Murena, kha muñwe na muñwe, vhothe vhane nda vha funa, na vhothe vhane vha mpfuna. Ndi rabelā uri zwi vhe nga yeneyo ndila, Murena. Huno ndi a vha funa vhothe. Vha tendele vha bvelele, Khotsi. Ndi vha qetshedza Vhutshilo Vhu Sa Pheli zwino. Ngavhe vha tshi ita tshipiða tshavho, tsha U vhu ḥanganedza. Ngauri ndi zwi humbela nga Dzina la Yesu. Amen.

¹⁸⁶ Ri tou vha na tshikhala tshiṭuku, tsha u rabelela vhalwadze. Ndi a vhona uri ri na muñku, musidzana a lwalaho hafha, na mufumakadzi kha tshidulo.

¹⁸⁷ Zwino, kha murathu wanga wa vhudi nga maanda, dzikhaladzi, ndi a humbela ni so ngo mpfisa zwiñwe-vho. A—a thi ñivhi uri ho itea mini. A thi ñivhi uri ho itea mini. Fhedzi, Mudzimu, musi ndi tshi fa, ntendele ndi humele murahu Heneffo. Itau ntendela ndi ye afho Fhethu, ndi hone hune nda khou ḥoda u vha hone, kana ho vha hu gai. A thi khou lingedza unga Paulo we a gavhiwa kha mañadulu a vhuraru. A thi khou amba izwo. Ndi a tenda uri O vha a tshi khou tou lingedza u nñuñwedza, a tshi khou lingedza u mpha tshithu tshiṭuku tsha u nkokodzela phanda, kha vhushumeli hanga vhuswa hune ha khou da.

Naa zwi do nga zwo bva nnda ha ndila arali nda vhala zwiñwe zwithu afha, lwa miniti? Naa zwi do vha zwo luga? [Tshivhidzo tshi ri, "Amen."—Mudz.]

¹⁸⁸ Mañwa a magazine ane a khou rangaphanda kha lushaka, Billy Graham. [Mukomana Branham u vhala u bva kha atikili, nga ndila i tevhelaho—Mudz.]

¹⁸⁹ "Dokotela Billy Graham O Rambiya Kha Islam," kha siatari la nnda la *Zwifhinga Zwa Afrikaans*, la vhufumiñhanu la Luhuhi, 1960. Muñwali wa atikili, we a vha a mu Moslem, Muñamedeni, u elekanya uri mađembe a tea u tevhela u rerisha ha Mafhungo mađifha a Kristo, a sa shanduki mulovha, ñamusi, na lini na lini. "Ri a topola, 'Ndi hezwi. Kristo o fulufhedzisa vhathevhelu Vhawe, musi A tshi ri, "Uyo ane a tenda kha Nñe, mishumo ine Nda ita u do ralo u ita-vho; na mihulu kha heyi

u do ita.” Naa Tshivhidzo tsho no vhuya tsha ita mishumo, hezwo, zwone—zwone zwibveledzwa zwa Kristo kha Bivhili? Tshi nga ralo namusi? Naa tshiñwe tsha tshivhidzo tshi nga fhambanyisa, u ita hafu ya madembe o itwaho nga Kristo, ndi sa tsha amba “mishumo mihulwane”? Ni nga ralo, inwi sa muthu ene mune, musonda, muambeleli wa Vhakriste, u vusa, u vusa vhafu vha vhuya kha vhutshilo ha nama? Ni nga tshimbila kha malwadze? Ni nga fhodza vhalwadze na u ita uri mabofu a vhone? A si hezwi, u ya nga phoswo yo ambiwaho afho n̄tha, yo bveledzwaho nga Vhahamede? Kana u bveledzwa...kana u lingwa nga Kristo...?...vhatevheli sa zwine vhañwe vha amba, kana kha kutendele kwanè? Zwinzhi kha atikili ya Moslem hu na maambiwa o no ḥahela a tshi tou tevhelaho.”

¹⁹⁰ Vha hanedza hoyu Mumoslem, fhedzi o vha a khou amba zwone. Fhedzi khezwi zwe vha amba. [Mukomana Branham u vhala u bva kha atikili, nga ndila i tevhelaho—Mudz.]

¹⁹¹ “Phindulo ya khwiñe ya u vhala Bivhili, na u divha Koran. Koran u tambulela uri yone...nga...o tambula nga u vhambedza. Zwine Vhuhamede ha amba zwone ndi zwihulu nahone hu fhira Vhukriste, ndi k-h-u-m-b-u-l-e-l-o i re khagala, khumbulelo,” ndi a kholwa, “u humbulela. Muñwali, naho, o kwama zwa ndeme malugana na madembe uri ndi a Tshivhidzo. Fhedzi ri dovha hafhu ra timatima vhungoho ha muñwali henefha, ngauri ndi nnyi ane a nga sumba zwi khagala nahone a landula madembe a Mufunzi. William Branham phanda ha Vhamoslem ngei Afurika Tshipembe, musi vha zwigidi zwa fumi vho tanganedza Kristo sa Mutshidzi? Fhasi ha vhushumeli ha William Branham, ngei Durban, Afurika Tshipembe, na huñwevho u mona no shango, kana kha T. L. Osborn ngei Vhubvaduvha ha Afurika. Zwo tou ralo, ri imela Billy Graham lwo fhelelaho. Ri amba fhethu ha mbudziso, a si zwa u...Haya maitele a mbudziso ha vhuyedzi tshithu.”

¹⁹² Fhedzi vhukati hazwo zweþe (vho mmbidza...vha ri ri na vhusweleli, a ri divhi zwe ra vha ri tshi khou ita) vho tea u tanziela, kha magurannda avho, uri Mudzimu o zwi ita, zwe ðiralo. Mudzimu u kha di tou vha Mudzimu, namusi, sa zwe Å vhuya a vha zwone. Ni nga vha ni sa elekanyi uri a vha zwi tendi, a vha zwi vhoni. A zwi ngo dzumbiwa; a zwi itelwi khudani. Huno maðana a zwigidi a vhathu vho dzula henefho, vho zwi vhona. Musi vha tshi vhona tshiña tshihole, mutukana a ḥopheyaho a tshi da henefho, Muya Mukhethwa wo mu vhudza nga vhutshilo hawe, na zwiñwe, na zwe zwa itea ngomu henefho. Huno nda vhona Vhamoslem vha zwigidi zwa fumi vha tshi eðela fhasi, vha shuvhama, vha tanganedza Yesu Kristo sa Mutshidzi wavho.

¹⁹³ Ri kha di vha na T. L. Osborns, na vhañwe, vhane vha do kanzwa Zwiliwa zwa nngu. Ndi a kholwa Mukomana Osborn ha athu u tsela fhasi kha Vhamoslem. Vha ri vha vha maanda.

Fhedzi ri kha di vha na Mudzimu ane a kona u phulusa nngu kha ndau, u ya kona u phulusa iyo nngu kha tshivhingwi.

¹⁹⁴ Zwo nnyita uri ndi pfe ndi wa vhudi u divha uri vha do tea u zwi nwala nahone vha zwi livhuwa. Hai, vha elekanya uri a vha ralo; vha tutshela kule nahone vha zwi furalela, nahone vha ri, "Aah, ayo maduvha o fhira."

¹⁹⁵ Mumeslem o ri, "Vho ralo? Bivhili yothe yo fhira arali two ralo. Ni khou khakha nothe. Ni khou losha Muthu, Muthu o faho, nahone Dzina Lawe ndi Yesu. Huno O fa, minwaha minzhi yo fhiraho, nahone a hu na zwithu two raloho sa uri O vuwa."

¹⁹⁶ Fhedzi a vho ngo kona u amba izwo kha muṭangano wa Durban. O vha o ima heneffo a tshi khou ita zwithu zwi fanaho zwe A ita, zwa vha vhuṭanzi khavho. Zwino na—na dzidinomineisheni dzi tea u vhuya murahu, muthu muthihi o nwalaho nahone a mmbudza uri ndi tea u humisa pfunzo yanga ya Bivhili, ho vha ene o nwalaho izwo kha gurannda lavho. Mudzimu u do vha ita uri vha Mu rende, naho two ralo, zwenezwo, hu si na ndavha. Ndi zwone. U do vha ita uri vha Mu rende, naho two ralo.

¹⁹⁷ Ri na muṭuku, musidzana a lwalaho o dzulaho hafha. Uyo ndi nwana wanu? Thaidzo yawe ndi mini, khaladzi? [Khaladzi u ri, "Ndi u zwimba ha maluvhi."]—Mudz.] Mme? ["U zwimba ha maluvhi."] U zwimba ha maluvhi. ["Ndo u nwalela, minwaha minzhi yo fhiraho, nga ha u zwimba hawe ha maluvhi."] Oo, ee. ["Ndi kale a tshi khou lwala, zwi nga ndi minwaha miṇa nga Ṭhangule."] Minwaha miṇa, nga Ṭangule. ["Mukomana Neville o tsela phasi u ya u mu vhona."] Oo, ndi ngei Marengo, kana huñwe fhethu phasi heneffo? ["Paoli."] Paoli. Ndi uyu uļa musidzana, zwenezwo-ha? Hu tou vha na tshithu tshithihi, mme, tshire tshi nga tshidza hoyu musidzana: hetsho ndi, Mudzimu a mu divhaho. ["U khwiñe u fhira zwe a vha a zwone."] Ndo takala nga maanda nga izwo.

¹⁹⁸ Naa wo tsa phasi u ya u mu rabelela, Mukomana Neville? [Mukomana Neville u ri, "Ee, munę wanga."]—Mudz.] Vhunga Mukomana Neville o tsela phasi nahone a mu rabelela, o no vha khwiñe. Ri kha di vha na vhalisa vhane vha divha Zwiliwa zwa nngu.

¹⁹⁹ Thaidzo yau ndi mini, khaladzi a funeaho, wo dzula kha tshidulo afho, zwau? [Khaladzi u ri, "U na pfuko."]—Mudz.] Pfuko.

²⁰⁰ Zwo luga, arali ndi tshi nga tou vhudzisa zwiñwe zwithu, khañwe zwino heneffha. Ndi vhanganana ngomu afha vho fhodzwaho kha...yone pfuko, imisani zwanda zwanu? Lavhelesani hafha, khaladzi. ["Ndi dzingandevhe, nahone ha koni u pfa zwine wa amba."]—Mudz.]

²⁰¹ Mudzimu ndi mufhodzi. Izwo ri a zwi divha. Arali nda ni vhudza uri ndi nga kona u tsela phasi hafho nahone nda bvisa

oho u zwimba kha uyo musidzana nahone nda mu fhodza, ndi do vha ndi tshi khou ni vhudza two khakheyaho; kana ndi nga kona u bvisa pfuko kha uyo musadzi. Fhedzi ndi divha tshithu tshithihi, ho vha hu na tshivhingwi; pfuko, tshibvo, vhupofu, na lufu, two hwala dziñwe dza nngu dza Mudzimu, linwe duvha. Huno musi ndi tshi ya nga Maanda a Mudzimu, huno nda zwi vhulaya nahone nda vhuisa iyo nngu murahu. Ndi zwone. Huno ri a ya ñamusi, ri si na tshiñwe tshithu tshihulu, *tshikene na tshikene*. Ndi ya na gatho liñuku la thabelo. U do mu vhuisa murahu.

²⁰² Ni a tenda izwo, a ni ralo, khaladzi? Ni a tenda, na inwi-vho, a ni ralo, khaladzi? Ndi vhangana vha vhoiñwi vhane na tenda nga mbilu yanu yoþhe zwino? [Tshivhidzo tshi ri, "Amen."—Mudz.]

²⁰³ Zwino kotamisani þohoho dzañu musi ndi tshi ya u rabela. [Mukomana Branham u þutshela khudzaipfi kha phuluphithi nahone a rabelela mulwadze, musi mulidzi wa piano a tshi lidza *Nga U Tenda Fhedzi*—Mudz.]

²⁰⁴ Khotsi a funeaho, musadzi wa u naka muþuku o eðela hafha, ane a nga si tsha kona u tshimbila na luthihi, kana u monamona, mnðani ha musi Wa mu thusa. Swina lo mu gavha. U kule kha u thuswa nga dokotela lifhio na lifhio. Swina lo mu posa kule tshikalani, u swika hune dokotela la kundelwa u ita tshithu. Fhedzi ha ho kule na u swikelelwa nga Iwe, Murena. U henefho hune U nga vheya tshanda Tshau khae. Kha mutheo wa Ipfi la Mudzimu, ndi vheya zwanda zwanga kha hoyu musadzi muþuku, nahone nda hatula hohu u zwimba ha maluvhi. Nga Dzina la Yesu Kristo, ndi mu vhuisa murahu kha uvha musadzi o fhelelaho hafhu. U do tshila u itela vhugala ha Mudzimu. Ngavhe a tshi fhola, a ðzhene a tshi bva kha tshino tshivhidzo, vhunga vhañwe vho ðaho, zwi fanaho na izwi, ñeani thendo kha Mudzimu. Kha zwi ralo, nga Yesu Kristo.

²⁰⁵ Vhunga u longana ha mavhudzi awe, nga zwikhala zwiþuku zwi no tevhela, huno u do vha a kha Shango ngei he ndi si vhone vhaaluwa, fhedzi vhaswa. Fhedzi vhafunwa vhawé vho dzula hafha, vha khou lila, nahone vha a mu funa. Swina lihulu lo mu gavhaho nahone la mu posa hu sa swikelelei nga dokotela, ndau i ofhisaho ya pfuko. Mudzimu, ndi a ða, ndi tshi mu tevhela. Ndi ða u mu vhuisa murahu. Ndi vhulaya ndau ya pfuko, nga Dzina la Kristo a sa athu u kundwa, ane khae ndi muambeli-vho. Ngavhe i tshi mu þutshela, nahone ngavhe a tshi fhola, nahone a tshile miñwaha minzhi, fhedzi, u itela ðhonifho na vhugala ha Mudzimu, nga Yesu Kristo Murena washu.

²⁰⁶ Zwino, Khotsi wa ðadulu, hu si kha zwipileli zwiþulu, hu si mapfumo o penyiswaho, luambo na maipfi a vhañwe vhaambi, fhedzi na lo ðoweleyaho, gatho liñuku la lutendo. Ndi tevhela uyu maya, na hoyu muvhili une swina la pfuko lo mu gavha la mu

isa hune dokotela la kundelwa u swika. Fhedzi ndi a mu tevhela, ano matsheloni, Murena, ndi tshi mu vhuisa murahu kha pfulo yo dalafhalaho na madi a rotholaho. Nga Dzina la Yesu mukundi, ane khae ndi mu imeleli Wawe. Nga lutendo lu si lwa khole-khole, ndi a tenda uri u do vhuiswa murahu, nga haya maanda a heyi thabelo ye ra ita. Kha zwi ralo.

²⁰⁷ [Mukomana Branham u amba na muñwe muthu, zwenezwo a vhuyelela kha khudzaipfi i re kha phuluphithi—Mudz.]

²⁰⁸ [Mukomana Branham u amba na Mukomana Neville—Mudz.] Ndi a tenda hu na tshumelo ya ndovhedzo. Naa i hone? [Mukomana Neville u ri, “Ee, muñe wanga. Vhareti vhavhili vha na nngu dzine dza khou tea u lovhedzwa.”—Mudz.]

²⁰⁹ Naa ni do ralo u imisa ḥoho dzaṇu lwa tshikhalyanya? Mufunzi u kha di tou bva u mmbudza . . .

²¹⁰ Havha vhathu vha khou ralo nga maanda, u lwala nga maanda. Vha do fhola. Hu tou vha ni so ngo ralo . . . Zwo luga. Pfulufhedziso dza Mudzimu a dzi kundelwi. Ri a vha tevhela.

²¹¹ Vha na tshumelo ya ndovhedzo. Hu na vhañwe vhathu vhane vha tea u ṭuwa. Ri khou ya u vha na tshumelo hafhu madekwana a ḥamusi.

²¹² Naa u hone ane ha nga koni u da madekwana a ḥamusi, ane a ḥoda ri tshi mu ḥetshedza thabelo zwino, vhane a vha nga koni u vha fhano madekwana a ḥamusi? Naa ni do ralo u da afha zwino, vhoiñwi vhane a ni nga koni u da madekwana a ḥamusi. Ndi do vha na tshifhinga tshinzhi; ndi do ita muduba wa thabelo, madekwana a ḥamusi. Havha vhathu vha tea u lovhedzwa.

²¹³ Ni na mutukana muñku afho? Zwo luga. [Murathu u ya phanda nahone a ri kha Mukomana Branham, “Zwo luga arali nda u fha izwi?”—Mudz.] Ee, murathu. Ndi a livhuwa, nga maanda. Naa zwo luga arali nda zwi vhala ho no fhela tshifhinganyana kana zwino? Ndi a livhuwa, muñe wanga.

²¹⁴ Zwino arali na nga tou ri fha miniti kana mivhili, zwenezwo ri do vha na—na tshumelo u itela—u itela ndovhedzo. Ndi a zwi divha ni do ḥoda u i vhona. Huno avho vhane vha khou takalela ndovhedzo ano matsheloni, zwo luga, inwi, vhafumakadzi vha ṭuwe nga *hafha* uri vha ambaredziñe nguvho dzavho, huno vhanna vha ye kha *heyi* thungo. Huno musi ndi tshi khou rabelela vhathu vha lwalah, zwenezwo ni nga vha ni tshi hou lugela u itela tshumelo ya ndovhedzo. Huno avho vhane zwino . . .

²¹⁵ Zwino, madekwana a namusi, ndi do edzisa u vha na—na muduba muñku wa thabelo, madekwana a ḥamusi, tshifhinga tshoñhe, musi vha tshi tou dzhena ngomu. Huno ri khou ya u thoma kha Bugu ya 1 ya Vhaefesa, madekwana a ḥamusi. Huno ri do takala nga maanda u vha na vhoiñwi, arali ni si na tshividzo tsha u ya khatsho. Fhedzi arali ni na mufunzi wañu na

tshivhidzo, zwenezwo ni—ni dzhene kha tshivhidzo tshañu tsha vhuđi hune na tikedza hone.

²¹⁶ Arali vhoinwi vhane na khou tea u ḥuwa, nahone vhane na khou ya u ḥuwa nga tshino tshifhinga, Mudzimu vha ni fhaṭutshedze. Ni vhe na riñe hafhu musi ni tshi kona. Ri ḫo takala u vha na vhoinwi.

²¹⁷ Naa ni khou tea u rabeleliwa, na inwi-vho, murathu? Thaidzo yau ndi mini? Mutsiko wa malofha.

²¹⁸ Zwino, vhaoinwi vhañwe, musi ni tshi kotamisa ḥohoh dzañu, lwa miniti, ri khou ḫoda u rabela.

²¹⁹ Khotsi, ndi a U livhuwa, namusi, nga gatho liñuku la mulisa, thabelo ye ya ita uri ndau iwe nga magona ayo, nahone ngwana ḥukhu yo vha yo hwihwidzwa ngayo, huno ya humiselwa murahu kha mme na baba wayo. Ndi rabelela murathu washu. Ndi humbela uri U mu vhuise murahu o tsireledzea, nae-vho, Murena. Ngavhe mutsiko wa malofha na dzikhakhathi dza muvhili wawe dzi tshi fhela. Ndi a mu tevhela, Murena, ndi mu vhuisa murahu, nga Dzina la Yesu Kristo. Kha zwi ralo. Amen.

Mudzimu a ni fhaṭutshedze, murathu.

U tshi tsela fhasi, ndi a u vhona wo fara muṭuku, mutukana wa bofu.

²²⁰ Tshinwe tshithu tshine nda tama u amba. Ndo vha ndi na . . . ndi khou lwala nga maanda, ndo vha ndi tshi khou ḫanza. Huno nda elekanya . . . A thi ḫodi ni tshi pfukwa nga hezwi, arali ni tshi ḫo ralo. Ndo elekanya, “Mudzimu, ndi nga nne mini arali ndi tshi nga pfa muñwe muthu a tshi ima nnqa? Mufumakadzi wanga a nga ri, ‘Billy, hu na muñhannga wa kale u fhano u u vhona.’”

²²¹ “Huno ha bvelela muṭuku, muthannga wa phanda a na ndebvu tshena dzo nembelela na tshifhaṭuwo tshawe. U ḫo ralo u dzhena ngomu, a ri, ‘Iwe u Mukomana Branham?’

“Ndi ḫo ri, ‘Ee, muñe wanga, ndi nne.’”

²²² “‘Dzina ḥanga ndi Simoni.’ A vheya tshanda tshawe kha nne, nahone a nndavhelesa lwa miniti. A ri, ‘U mutendi, Mukomana Branham.’

“Ee.”

²²³ “‘Zwi ḫo vha zwe luga.’ Simoni Petro, wa Bivhili. Ndi nga livhuwa hani izwo! A nga si tee u dzulesa. U tou vheya tshanda tshawe kha nne fhedzi. Zwi ḫo vha zwe luga.”

²²⁴ Huno zwenezwo zwi no ḫa kha nne, nga thuso ya Mudzimu, na nga tshilidzi tsha Mudzimu, hu na vhatu vha zwigidi zwi na fumi vho no tenda zwithu zwithihi, arali ndi tshi nga ya khavho. Huno nda elekanya, “Murena, ntendele ndi swike kha muñwe na muñwe ane nda kona, zwenezwo-ha. Itau ntendela ndi sokou—sokou . . .”

²²⁵ Nda elekanya, “Arali Simoni, kana Paulo zwawe, vhańwe vhavho, a sokou dzhena nahone a ri, ‘Iwe Mukomana Branham?’

“‘Ee.’

²²⁶ “Vha vheya zwanda zwavho kha nñe, nahone vha lavhelesa kha nñe, huno vha ri, ‘Žwo luga, Mukomana Branham,’ vha bva.

²²⁷ “Ndi nga fhola. Ndi do luga. Zwo tou ralo. Ndi ri... Mutukana, u tūtewedzea hanga hu nga takuwa na zwenezwo. Ndi nga ri, ‘Ndi khou ya u fhola.’” Ee, muñe wanga.

²²⁸ Huno hu na vhatu vho no tenda izwo zwithu zwithihi ñamusi. Huno ndi zwenezwo zwine nda khou da u ita zwone, u vheya zwanda kha inwi, nda humbela Mudzimu.

²²⁹ [Mukomana Branham u tūtshela khudzaipfi kha phuluphithi huno a rabelela vhalwadze—Mudz.]

²³⁰ Ndi khou ḥoda u tūwa na hoyu mutukana muñku, khaladzi, lwa miniti. Ndi muñku, mutukana wa bofu. Ndi u bva lini a bofu? [Khaladzi u ri, “U bva a tshi bebiwa.”—Mudz.] U bva a tshi bebiwa. Hurini, mutukana muñku! Oo, wo luga nga maända, mutukana muñku. [Mukomana Branham u amba na muñwe muthu.]

²³¹ O Mudzimu wa tshilidzi! Hune madokotela a kundelwa u swikelela, kha mbebo ya hoyu mutukana muñku, o bebwa a bofu, nahone ha koni u vhona; uyu wa u naka, mutukana a funeaho muñku. Huno swina, phanđa ha musi muñhannga muñku a tshi vha na tshikhala kha vhatshilo, a mu kokodzela kule hune dokotela la balelwa u swika. Ngauralo, ndi khou mu tevhela, ano matsheloni, Murena. Ili lo nyadzeaho, gatho liñuku la thabelo. Ntendele ndi mu vhui se murahu, Mudzimu. Ndi tangana na swina, diabolo, nga Dzina la Yesu Kristo, nahone ndi vhila uyu mutukana u itela Mudzimu. Ndi vhila u vhona hawe, u itela Mudzimu, ndi tshi mu neya murahu izwo zwe Sañhane a u fhura khazwo. Ngavhe a tshi vha nazwo. Nga Dzina la Yesu Kristo, zwi do ralo. Ndo zwi amba.

²³² Zwino, khaladzi, a funeaho, zwino u so ngo timatima na zwiñku-łuku, fhedzi hoyu mutukana muñku u khou ya u fhola. Ndi khou ḥoda ni tshi mu vhuisa murahu fhano tshivhidzoni, huno ni sumbedze vhatu, uri u a kona u vhona. Ndi mu neya u vhona hawe, nga Dzina la Yesu Kristo.

[Mukomana Branham u amba na muñwe muthu—Mudz.]

²³³ Murena Yesu, u vheya . . . Hoyu muñku we ra mu netshedzela thabelo nga maända! Fhedzi, ano matsheloni, ndi vhuya hafhu nga Dzina la Yesu Kristo, ndi tshi hwala ili gatho liñuku le Wa nn̄eya. Huno Wo nthusa nga hezwi, Murena, nga Maända Au, u dzhia lone . . . mulomoni wa pfuko, mulomoni wa lufu lwone luñe, nda vusa vhafu murahu ha musi vho dīvhadzwa uri vho fa, nahone vho edela vho oma nahone vha tshi rothola. Ndi tevhela heli swina, nga Dzina la Yesu Kristo. Ngauralo mu vhui se

murahu kha mutakalo wa vhudi, Murena. Zwi tendele. Ngauralo kha zwi itiwe, u itela vhugala ha Mudzimu.

²³⁴ Huno ni khou tea u rabeleliwa? [Khaladzi u amba na Mukomana Branham—Mudz.] U mutendi? [“Ee! . . . ? . . .”] Murena, ndi a mu vhuisa, kha u swikelela ha heli gatho lițuku. Nga Dzina la Yesu Kristo, ngavhe zwi tshi mu tutshela nahone zwi sa tsha dovha u vhuya murahu.

²³⁵ [Khaladzi u amba na Mukomana Branham—Mudz.] Zwo luga, ilo gatho lithihi lițuku, le la ya la dzhia Mukomana Harley, huno u itela nwananyana wau na iwe muñe.

²³⁶ Zwino, Khotsi wa Tađulu, ndi sala murahu swina, ndi tshi shumisa ili gatho le Wa nneya, ngauri Wo ri, “Arali wa nga ita vhatheuri vha tende, nahone wa vha wa vhungoho musi u tshi rabela,” ilo tombo lițuku li do swika la vhulaya. Ngavhe li tshi tuwa zwino, Murena, musi ndi tshi li rumela kha khumbelo yawe. Nga Dzina la Yesu Kristo, ngavhe zwi tshi ralo. Amen.

[Khaladzi u ri, “Huno miñwe yanga i pfala zwa vhudi.”—Mudz.]

²³⁷ [Khaladzi u amba na Mukomana Branham—Mudz.] Zwo luga, khaladzi. Zwino ri khou... Tsinga dzi hune madokotela a kundelwa u swika. Vha nga ni nneya tshinwe tshithu tsha u ni dzikisa, fhedzi tshi do ni nañisa, nga murahu ha hezwo. Ee. Zwino lavhelesani. Ri khou zwi sala murahu, ano matshelonii. Ri khou ya nnđa; ra ni vhuisa murahu. [A hu na tshithu kha theiphi.]

²³⁸ Murena Yesu,... [A hu na tshithu kha theiphi—Mudz.]... matombo mațuku mațanu, l-u-t-e-n-d-o [Nga Tshikhwa: f-a-i-t-h—Mută], na gatho la thabelo. Huno ndi khou vhuisa murahu khaladzi anga u bva kha u farelela ha mazhuluzhulu...?... ngei seli. Ndi khou mu vhuisa murahu kha mulalo na pfulo yo dalafhalaho na mađi a rotholaho. Ndi ita hezwi nga Dzina la Yesu Kristo. Amen.

[Khaladzi u amba na Mukomana Branham—Mudz.]

²³⁹ Mudzimu Khotsi, hoyu musidzana muțuku, ro takala nga maanda ngauri a ho ngo vha u onyana ha misipha. Fhedzi nga nnđa ha uri ndi zwithu-de, zwi kha di vha hune Wa kona u swikelela, Murena. Huno ndi da na heli gatho lițuku la lutendo, na heli tombo. Huno ndi posa ili tombo nga nungo dzothe dzine ndi nga li posa ngadzo. Nga Dzina la Yesu Kristo, ngavhe li tshi rwa luswayo. Ngavhe khaladzi ashū a tshi fhola. Ndi ita izwi nga Dzina la Yesu Kristo.

[Khaladzi u amba na Mukomana Branham—Mudz.]

²⁴⁰ Sa havha mme muțuku, na tshibebwa tshavho tshițuku, muțuku ane vha ḥoda u ḥangana nae ngei seli, nga liñwē sia, ilo Shango la vhugala line nda khou bva u amba ngalo. Huno vha... Mme a vha nga tshileli u... u alusa uyu muțuku, na ene

uyu muṭuku ha nga tshili tshifhinga tshilapfu a si na thuso Yau. Fhedzi ndi khou da na gatho, na nungo dzoṭhe na u pika uri ndi kone u kunda swina. Huno nga Dzina ḥa Yesu Kristo, ndi livhisa izwi khae. Vha ḫo fhola, u itela vhugala ha Mudzimu. Nga Dzina ḥa Yesu. Amen.

[Khaladzi u amba na Mukomana Branham—Mudz.]

²⁴¹ Oo, izwo ndi zwa vhudi nga maanda. Ndo takala. Zwo luga, uvho vhushumeli, zwenezwo, ho vha vhushumeli vhuhulu nga maanda ha u sumbedza vhatu nn̄da. Ho sumba mishumo...?...

²⁴² Khotsi ashu wa Tadulu, Sathane o kokodza hoyu mme muṭuku kule na hune madokotela a kona u swikelela. Vha tou kona u posa diraga kha iyo ndila, Murena, izwo zwi do tou mu kherukanya u dovha, na u dovha, zwa kondisa uri a ḫivhe hune a vha hone. Huno zwenezwo musi a tshi da, o nana. Fhedzi ndi khou da na gatho la lutendo, na tombo, ndo livhisa na u kala ho ḫivhaho, u pika kha tshipikwa. Nga Dzina ḥa Yesu Kristo, ndi bvisa aya mazhuluzhulu khae, u itela vhugala ha Mudzimu. Amen.

[Muṇwe muthu u amba na Mukomana Branham—Mudz.]

²⁴³ Mudzimu a funeaho, Mukomana George o edela ngei seli, a tshi khou fa, a si kale. Ndo vhona zwe lutendo lwa mu itela. Zwino u na vhulwadze ha dzidzhoini, Murena. Ri limuwa uri vha nga mu ḫeya dziṅwe philisi, tshiṅwe tshithu tshire tshi nga lingedza u imisa vhutungu, fhedzi a tshi nga koni u bvisa izwo zwithu. Ngauralo ri livhisa iyi thabelo, nga Dzina ḥa Yesu Kristo. Ngavhe vhulwadze ha dzidzhoini vhu tshi ṭuwa. Ngavhe a tshi ya hayani nahone a fhola.

Ndi a livhuwa, murathu.

²⁴⁴ Hu ita hani, mufunwa? [Khaladzi u amba na Mukomana Branham—Mudz.] Oo, nne-nne! U khou dzinga ndevhe. U ya kona u pfanyana? Uh-huh. Seli na hune kupfesesele kwa a faho kwa kona u swika! U mutendi kha, Murena Yesu? [Khaladzi u ri, "Amen."] Ndi vhona mufumakadzi wa u naka Heneffo, linwe ḥa haya mađuvha. U ḫo dovha wa vha muṭuku lwa tshoṭhe. Ndi a zwi ḫivhe uri ni khou ḫoda u tshila zwino u itela vhugala Hawe. Ndi vhuya murahu kha...

²⁴⁵ [Khaladzi u ri, "Hai, ndi khou ḫungufhalela murwa wanga."—Mudz.] Murwa wau. ["O ṭuwa lwa miñwaha mivhili."] A u koni u mu wana? ["U tshandani tsha Mudzimu."] Oo, o—o ṭuwa? ["Uh-huh. Kha govha ḥa lufu."] Oo, izwo. ["Huno u ḫungufhala hanga."] Ndo rwiwa nga u ḫungufhala. Ee. ["Ndi khou ḫungufhala... Ndo rwiwa nga u ḫungufhala. Huno ndi pfa unga, arali hu lufuno lwa Mudzimu, ndi tama A tshi nnzhia. A hu na u sa takala Khae."]

²⁴⁶ Khaladzi, a funeaho, ndi khou ṭoda u tshi swika hune wa dipfa u wa vhudi. Naa o pfa bono, ano matsheloni? [Muňwe khaladzi u ri, “U ya kona u pfa.”—Mudz.] Zwo luga, u mu vhudze.

²⁴⁷ Zwo luga, u khou ya u ni vhudza zwe zwa itea. Seli ha mufemo waṇu hafha, mutukana wa vhudi o u lindela. Ni do vha muṭuku sa ene. Lufuno, itau funa ene...[Khaladzi u ri, “A thi ṭoda u dzula. Ndi khou ṭoda u ya khae, arali hu lufuno lwa Muđzimu.”—Mudz.]

²⁴⁸ Khotsi wa Tađulu a funeaho, lwendo lwa vhutshilo lwo gidimiwa. A hu na zwinzhi zwo salaho. Huno mutukana wawe wa vhudi, ngei seli ha mulambo, arali a tshi nga tou lavhelesa murahu fhedzi, o vha a tshi do ri, “Mađuvha a si gathi.” O lindela tshikwekwete, Murena, tshine tsha do mu endedza khulini, tsha mu isa kha iļo Shango la vhugala. Mu fhaṭutshedze, Khotsi, nahone u fhumudze mbilu yawe. Huno ngavhe uvho vhu tshi vha vhuthihi vhuhulu, ngei seli ha mulambo.



KHOSI YO LANDULWAHO TSV60-0515M
(The Rejected King)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga matsheloni a Swondaha, Shundunthule 15, 1960, Thabereneakejeni ya Branham kha la Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi thalutshedzo ya Tshivenda yo gandiswa huno ya phadhaladzwa nga vha Voice Of God Recordings.

TSHIVENDA

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org